



# DASAR KEPENDUDUKAN MENJELANG ALAF BARU

*Oleh:*

*Jasiman Bin Ahmad  
& Nora Binti Samat*



**GOODMARK ENTERPRISE**  
Kuala Lumpur

**GOODMARK ENTERPRISE**  
29A, Jalan Jejaka Lima,  
Taman Maluri, Jalan Cheras,  
55100 Kuala Lumpur.  
Tel: 03-9828198  
Fax: 03-9827449

**© GOODMARK ENTERPRISE**  
**Cetakan Pertama .....2000**

**AMARAN ATAS HAKCIPTA**

Semua hak terpelihara. Sebarang bahagian dalam buku ini tidak boleh diterbitkan semula atau dipindahkan dalam sebarang bentuk atau dengan sebarang cara, baik dengan elektronik, mekanik, penggambaran ataupun sebaliknya tanpa izin yang bertulis terlebih dahulu daripada pihak Penerbit.

Perpustakaan Negara Malaysia Data Pengkatalogan-dalam-Penerbitan

Jasiman bin Ahmad

Dasar kependudukan menjelang alaf baru / Jasiman bin Ahmad,  
Nora binti Samat.

(Siri pembangunan negara)

ISBN 983-057-210-2 (set)

ISBN 983-057-21216-1

1. Malaysia--Population--21st century. 2. Malaysia--Population policy--21st century. I. Nora binti Samat. II. Judul. II. Siri. 304.609595

Dicetak Oleh: Image Design Enterprise  
Kuala Lumpur

M  
304.609595  
JAS ✓

3 NOV 2003  
NASKAH PEMELIHARAAN  
PERPUSTAKAAN  
APB 01114563

# **PRAKATA**

**P**ELBAGAI usaha yang dilakukan oleh kerajaan telah merangsang kemajuan negara menjelang alaf baru. Pengenalan dasar-dasar yang digubal sejak mencapai kemerdekaan sehingga kini adalah sebagai landasan kerajaan untuk menyaksikan pertumbuhan negara dalam segala sudut.

Sehubungan itu, kerajaan menggalakkan masyarakat supaya mengikuti garis panduan yang telah diperkenalkan oleh kerajaan dalam usaha untuk memajukan negara. Ini disebabkan perancangan yang dibuat kerajaan akan membolehkan semua pembangunan dapat dicapai dengan jayanya.

Siri Pembangunan Menjelang Alaf Baru menerangkan secara terperinci mengenai kemajuan pelbagai aspek sama ada berkaitan dengan negara, dasar-dasar yang dilancarkan ataupun peranan rakyat Malaysia. Oleh kerana pengolahan bahasa yang mudah dan menyeluruh, diharapkan siri ini membantu masyarakat Malaysia mengetahui kemajuan negara secara menyeluruh.

**PENERBIT**



## **KANDUNGAN**

	<i>Muka Surat</i>
Pengenalan	1
Dasar Kependudukan 1966	2
Pertumbuhan Penduduk Malaysia Sejak Tahun 1911	7
Kebudayaan Kaum di Malaysia	14
Cara Meningkatkan Persefahaman Kaum	19
Faktor-faktor Penggalak Pertumbuhan Penduduk	25
Masalah Pertambahan Penduduk	33
Cara Mengatasai	52
Kesimpulan	58



## BAB 1

### PENGENALAN

Dasar Kependudukan 70 juta merupakan satu visi yang telah dilancarkan oleh Perdana Menteri Malaysia pada 29 Mac 1984. Dasar ini dibuat berpandukan Kajian Separuh Penggal Rancangan Malaysia Keempat.

Sememangnya Dasar Kependudukan Malaysia merupakan salah satu langkah positif kerajaan dalam usaha mempengaruhi dan mengawal bilangan, pertumbuhan dan komposisi penduduk yang bermatlamatkan memberi kesejahteraan kepada masyarakat secara menyeluruh.

Dasar ini bukan hanya merujuk kepada pertambahan penduduk semata-mata tetapi perlu seimbang dengan ekonomi negara. Jika ditinjau dari segi pertumbuhan penduduk sekitar 2.5 peratus dapat mengimbangi jumlah pertumbuhan ekonomi yang mencapai lapan peratus.

Sekiranya ditinjau dari segi prospek ekonomi, Malaysia bo-

leh meningkat dengan baik sekiranya peluang pekerjaan yang sedia ada dipenuhi oleh tenaga kerja yang mahir. Bahkan masih banyak bahan-bahan mentah yang tidak digunakan secara optimum. Dengan ini dijangka ekonomi negara terus mampan. Oleh itulah Dasar Kependudukan ini merupakan matlamat yang cukup baik untuk dihayati.

Unjuruan penduduk Malaysia, bilangan 70 juta memerlukan kadar peratusan kecil sahaja. Oleh itu masyarakat tidak perlu memandang sinis saranan kerajaan kerana jangka masa yang diperlukan untuk menjadikan rakyat 70 juta memakan masa lebih daripada 100 tahun.

Oleh itu setiap tahun rakyat Malaysia hanya perlu ditambah kurang daripada 1 juta orang sahaja. Ini bermakna kadar pertumbuhan yang ada sekarang telah melampaui sasaran kerajaan.

## BAB 2

# DASAR KEPENDUDUKAN 1966

Pada tahun 1961 hingga 1962 kebanyakan ahli ekonomi yang bertugas di Unit Perancang Ekonomi menyatakan bahawa pertambahan penduduk yang lebih besar memberi banyak faedah kepada negara. Namun begitu pada akhir tahun 1962, anggapan tersebut telah berubah apabila pertumbuhan lebih dari pada 3 peratus memberi kesan ke atas sosio-ekonomi masyarakat di negara ini.

Oleh itu kerajaan cuba memperkenalkan dasar yang berlawanan seperti yang dirancang-

kan. Antara yang cuba diperkenalkan oleh kerajaan pada akhir tahun 1962 ialah Lembaga Perancang Keluarga yang terletak di bawah Akta Perancang Keluarga pada tahun 1966. Akta ini ditugaskan untuk memberi khidmat nasihat kepada para ibu bapa supaya mengurangkan bilangan anak. Antara kebaikan yang diselitkan dalam khidmat nasihat tersebut ialah mengenai kesihatan ibu yang lebih terjamin dan membentuk keluarga sederhana.

Ekoran daripada Dasar Ke-



Penduduk Malaysia terdiri daripada pelbagai kaum

pendudukan ini, kerajaan telah mengurangkan kadar pertumbuhan penduduk negara dari tiga peratus pada tahun 1960 kepada dua peratus pada tahun 1984. Ini bermakna dasar yang diperkenalkan oleh kerajaan bukanlah untuk mengurangkan penduduk tetapi mengurangkan kadar kelahiran penduduk.

Dasar Kependudukan telah dilaksanakan lebih dari 20 tahun. Jadual di bawah menunjukkan pertumbuhan penduduk sebelum dan selepas program dasar ini diperkenalkan. Untuk menilainya diambil tiga tahun utama iaitu semasa merdeka, setahun selepas perancangan dan sepuluh tahun selepas dasar diperkenalkan.

### Pertambahan Kaum Mengikut Umur Di Semenanjung Malaysia 1957-1977

	Umur	1957	1967	1977
<b>MELAYU</b>				
	15-19	0.16	0.09	0.05
	20-24	0.34	0.27	0.19
	25-29	0.27	0.26	0.23
	30-34	0.29	0.22	0.20
	35-39	0.14	0.24	0.14
	40-44	0.05	0.05	0.06
	45-49	0.02	0.01	0.01
Jumlah		6.75	5.23	3.94
<b>CINA</b>				
	15-19	0.03	0.02	0.02
	20-24	0.28	0.20	0.14
	25-29	0.41	0.30	0.21
	30-34	0.35	0.22	0.15
	35-39	0.23	0.15	0.08
	40-44	0.11	0.07	0.02
	45-49	0.02	0.01	0.01
Jumlah		7.33	5.03	3.25
<b>INDIA</b>				
	15-19	0.20	0.09	0.04
	20-24	0.42	0.35	0.20
	25-29	0.44	0.30	0.22
	30-34	0.28	0.22	0.13
	35-39	0.15	0.14	0.07
	40-44	0.06	0.04	0.02
	45-49	0.01	0.01	0.01
Jumlah		7.97	5.89	3.52

Secara umumnya pertumbuhan penduduk negara antara tahun 1957 hingga 1977 telah berkurangan di setiap kumpulan umur. Kejatuhan kadar pertumbuhan ini amat ketara di kalangan perempuan muda iaitu berusia lingkungan 15 hingga 19 dan 20 hingga 24 tahun. Penurunan ini berlaku sejak tahun 1957 dan meningkat sedikit pada tahun 1977.

Jika dibandingkan dengan pelbagai kaum, pada tahun 1957 masyarakat Cina dan India mempunyai pertumbuhan lebih tinggi berbanding masyarakat Melayu. Namun sejak tahun 1970, pertumbuhan Melayu lebih tinggi berbanding masyarakat lain.

Sebenarnya pertumbuhan penduduk berlaku sebelum Dasar Kependudukan 1966 dilakukan lagi. Ini disebabkan kebanyakan kaum wanita telah mempunyai tahap pendidikan yang tinggi sehingga membolehkan mereka mencari kehidupan yang lebih baik. Ramai di kalangan mereka yang berpendapatan tinggi dan terbuka untuk meningkatkan kerjaya.

Pada tahun 1957 golongan wanita menceburi bidang kerjaya secara serius hanya sekitar 20 peratus dan bertambah menjadi 30.6 peratus pada tahun 1970. Ini menunjukkan kaum wanita telah cuba menceburi bidang pekerjaan.

Pada masa yang sama mere-

ka cenderung untuk lambat berkahwin. Masyarakat Melayu yang suatu ketika dahulu berkahwin dalam usia 17.1 tahun pada tahun 1957 telah mendirikan rumah tangga ketika umur 21.4 tahun. Begitu juga dengan masyarakat Cina dan India yang masing berusia 21.6 dan 17.2 tahun 1957 kepada 23.8 dan 22 pada tahun 1977.

## DASAR KEPENDUDUKAN TAHUN 1984

Tahun 1983 menyaksikan kadar pertumbuhan penduduk negara adalah sebanyak 2.23 peratus setahun (United Nations). Dengan ini bermakna matlamat yang dikehendaki pada tahun 1966 berjaya dengan mansasarkan 2.0 peratus setahun pada tahun 1985.

Bagi memastikan keadaan ini berlaku kerajaan telah membuat satu dasar pada tahun 1984 yang menyarankan Malaysia perlu mempunyai penduduk yang besar dalam jangka masa 115 tahun bermula 1985. Dasar Kependudukan 1984 mengkehendaki jumlah penduduk Malaysia seramai 70 juta orang pada tahun 2100.

Terdapat perbezaan yang nyata antara dasar pada tahun 1966 dan 1984. Pada tahun 1966 dasar tersebut menggunakan kadar pertumbuhan penduduk sebagai asas. Dasar tahun 1984

lebih mengambil saiz penduduk sebagai matlamat.

Dasar yang diperkenalkan pada tahun 1966 merupakan satu dasar jangka pendek. Dasar 1984 pula dirangka dalam jangka panjang. Sungguhpun demikian kedua-dua dasar ini mempunyai matlamat yang sama untuk menstabilkan pertambahan penduduk supaya lebih seragam untuk setiap tahun.

Terdapat dua perkara yang perlu difahami bagi mendapatkan gambaran yang jelas berhubung Dasar Kependudukan Negara. Pertama-tama ialah jumlah penduduk 70 juta perlu dicapai pada tahun 2100. Jumlah ini adalah jumlah terakhir bagi penduduk Malaysia. Dengan ini bermaksud jumlah tersebut tidak boleh ditambah atau dikurangkan. Jika tidak akan memberi implikasi yang baik dari segi demografi dan sosial.

Bagi memastikan keadaan ini berlaku penduduk Malaysi

perlu berada dalam keadaan yang stabil iaitu pada pertumbuhan yang kosong. Ini bermakna pertumbuhan penduduk perlu hanya berada pada aras pengantian dan kadar kelahiran tidak boleh melebihi kematian. Dari segi kadar biak pula seseorang perlu melahirkan seorang perempuan untuk mengantinya. Oleh itu sepasang suami isteri perlu melahirkan dua orang anak iaitu seorang lelaki dan seorang perempuan.

Bagi memastikan penduduk tidak bertambah lagi menjelang tahun 2100 iaitu sekitar 70 juta masyarakat Malaysia perlu memastikan bahawa setiap keluarga hanya dibolehkan memiliki dua orang anak. Ini boleh dilihat di negara-negara maju yang hanya mempunyai dua orang anak sahaja.

Bagi mengukuhkan matlamat ini, pertumbuhan penduduk, jadual di bawah merupakan satu gambaran yang baik.

### **Unjuran Penduduk Malaysia Berasaskan Pertumbuhan Tetap 1980-2100**

Kadar Pertumbuhan	Jumlah Penduduk (juta)			
	1980	2000	2075	2100
3.0 %	13.75	20.05	237.71	503.23
2.3 %	13.75	21.78	122.25	217.25
1.4 %	13.75	18.19	51.99	73.78

Jadual di sebelah menunjukkan bahawa terdapat tiga bentuk pertumbuhan peratusan setahun. Pada tahun 1960-an kadar pertumbuhan penduduk adalah sekitar tiga peratus setahun. Jumlah ini dianggap besar bagi negara ini dan dijangka tidak seimbang dengan sosio-ekonomi dalam jangka masa panjang. Sekiranya pada tahun 2100 jumlah penduduk adalah jauh dari sasaran iaitu melebihi 503.23 juta. Ini berbeza dengan 70 juta yang menjadi sasaran kerajaan.

Sekiranya peratusan pendu-

duk negara bertambah sebanyak 2.3 peratus setahun, penduduk akan bertambah menjadi 217.25 peratus pada tahun 2100. Pertumbuhan penduduk sekitar 1.4 peratus setahun bermula tahun 1980 adalah dijangkakan hampir bertepatan dengan sasaran kerajaan. Ini menjadikan jumlah penduduk sebanyak 73.78 juta pada tahun 2100 nanti. Sungguhpun demikian angka ini tidak dialami negara kerana pertumbuhan penduduk lazimnya sekitar 2.5 peratus setahun dan sukar dibendung.



Kadar pertumbuhan penduduk adalah tinggi setiap tahun

## BAB 3

# PERTUMBUHAN PENDUDUK MALAYSIA SEJAK TAHUN 1911

Pertumbuhan penduduk di negara ini berada di tahap yang tinggi. Setiap tahun pertumbuhan penduduk di negara ini naik sebanyak 2.3 peratus. Kadar pertumbuhan penduduk ini adalah sama dengan negara-negara membangun yang lain.

Antara negara membangun yang begitu pesat kadar pertumbuhan penduduk ialah Iran, Pakistan, Indonesia dan sebagainya. Rata-rata kadar pertumbuhan negara itu melebihi 2.7 peratus setiap tahun. Oleh itu negara-negara ini tidak dapat mengimbangkan ekonomi dengan penduduk sehingga memaksa lebih ramai rakyat menjadi miskin. Ini amat berbeza negara-negara maju seperti Amerika Syarikat, Jepun, Britain yang rata-rata mempunyai peratusan yang kecil sekali dari segi pertumbuhan penduduk.

Sekjak tahun 1911 lagi kadar pertumbuhan negara ini di paras dua peratus. Kadar pertumbuhan ini masih dianggap kecil jika dibandingkan dengan kadar kemasukan imigran dari negara China dan India. Pada tahun 1911 jumlah penduduk di negara ini adalah seramai 2.78 juta

orang sahaja.

Pertumbuhan peratusan sebanyak 2.2 pada tahun 1921 menjadikan penduduk negara sejumlah 3.48 juta orang. Ini merupakan kadar pertumbuhan yang baik untuk memperbaikkan lagi jumlah penduduk negara.

Sepuluh tahun kemudian pertumbuhan penduduk meningkat sebanyak 2.5 peratus. Ini merupakan peratusan yang paling tertinggi berbanding sebelumnya. Dengan jumlah penduduk negara telah mencapai angka 4.44 juta orang.

Sungguhpun demikian peratusan penduduk negara mengalami kemerosotan iaitu peratusan penduduk dengan meningkat sebanyak 1.6 peratus sahaja. Ini disebabkan keadaan darurat yang dialami negara sehingga menjelaskan pertumbuhan penduduk. Oleh itu bancian tidak dapat dijalankan pada tahun 1941 dan hanya dilakukan pada tahun 1947 sahaja.

Sebaik sahaja Tanah Melayu mendapat kemerdekaan, bancian telah dilakukan ke atas semua penduduk di Semenanjung. Pada masa itu pertumbuhan

penduduk adalah sebanyak 2.4. Sungguhpun demikian jumlah warga negara Malaysia bertambah memandangkan ramai imigran mendapat kerakyatan negara. Oleh itu jumlah tersebut telah mencecah angka 10.81 juta orang.

Kemudian pada tahun 1970, sekali bancian telah dilakukan. Kali ini bancian dibuat lebih menyeluruh termasuklah Sabah dan Sarawak. Kemasukan Sabah, Sarawak pada tahun 1963 telah menyebabkan populasi penduduk bertambah. Pada masa itu jumlah penduduk telah menjadi 10.81 juta orang. Peratusan juga meningkat sebanyak 2.4, ekoran daripada kemakmuran negara merdeka.

Sepuluh tahun kemudian peratusan peningkatan terus berlaku dengan cukup baik. Peratusan yang melebihi 2.2 peratus menjadikan penduduk negara sebanyak 13.75 juta. Namun peratusan pertumbuhan penduduk berkurangan sedikit ekoran daripada kemelesetan ekonomi yang dihadapi dunia.

Pada tahun 1991 pula pertumbuhan penduduk dianggap baik kerana melebih 2.1 peratus. Jumlah ini menjadikan penduduk negara sekitar 17.75 juta. Kemudian peratusan ini dijangka menurun sedikit pada abad ke-21 apabila lebih ramai masyarakat mengejar kemewahan dan mengamalkan perancang keluarga.

**Jadual Pertumbuhan Penduduk Malaysia Pada Tahun 1911 Hingga 2000**

Tahun	Penduduk (dalam juta)	Peratusan (%)
1911	2.78	
1921	3.48	2.2
1931	4.44	2.5
1947	5.78	1.6
1957	7.38	2.4
1970	10.81	2.9
1980	13.75	2.4
1991	17.75	2.2
2000	21.52	2.1

Sumber : Fernandez, Hawley dan Pridaza (1966), Khoo Teik Huat (1983) dan Rancangan Malaysia Ketujuh (1996)

## POPULASI PENDUDUK MALAYSIA

Malaysia merupakan salah sebuah negara yang unik kerana didiami pelbagai kaum. Setiap kaum mempunyai kebudayaan dan kepercayaan masing-masing. Sungguhpun demikian mereka hidup dengan aman damai tanpa berlaku pergolakan atau perselisihan faham.

Antara kaum yang terbesar di negara ini ialah Bumiputera, Cina dan India. Terdapat juga kaum yang lain seperti Sikh, Serani atau Eropah, tetapi jumlahnya terlalu kecil.

Dari segi pertambahan penduduk, pertumbuhannya begitu membanggakan. Hampir setiap tahun kadar pertumbuhan penduduk melebihi dua peratus. Dari segi pertumbuhan setiap kaum juga menunjukkan perbezaan.

Bagi masyarakat Bumiputera yang mencakupi masyarakat Melayu, Iban, Kadazan dan pelbagai jenis suku kaum yang lain terus mengalami peratusan lebih daripada 2.6 peratus setiap tahun. Masyarakat Cina mengalami peratusan yang rendah sedikit iaitu sekitar 1.1 peratus, manakala masyarakat India menunjukkan peningkatan yang lebih baik sedikit dari masyarakat Cina dengan peratusan pertumbuhan melebihi 1.4 peratus.

Dari segi jumlah penduduk pula pada tahun 1991, jumlah penduduk Malaysia adalah seramai 18.55 juta orang. Kemudian jumlah tersebut meningkat menjadi 20.69 juta pada tahun 1995. Jumlah ini dijangka meningkat menjadi 23.26 juta pada tahun 2000 kelak.

Jumlah penduduk Malaysia terdiri daripada dua klasifikasi iaitu penduduk berwarganegara Malaysia dan bukan warganegara Malaysia. Penduduk warganegara Malaysia adalah penduduk asal negara ini sama ada tempat kelahiran, keturunan dan sebagainya. Penduduk bukan warganegara Malaysia pula adalah penduduk yang berasal dari negara luar dan bekerja di negara ini atau sebagainya.

Dari segi jumlah penduduk pula menunjukkan peningkatan yang tidak seimbang. Masyarakat Bumiputera mencakupi masyarakat Melayu dan masyarakat pribumi yang lain menunjukkan peningkatan yang cukup baik. Misalnya pada tahun 1991 jumlah kaum Bumiputera adalah seramai 10.73 juta. Kemudian jumlah tersebut meningkat menjadi 11.95 juta pada tahun 1995. Adalah dijangkakan jumlah tersebut terus meningkat pada tahun 2000 menjadi 13.61 juta.

Masyarakat Cina turut mengalami pertambahan. Namun



*Masyarakat Melayu mempunyai pertumbuhan kelahiran yang baik*

begitu peratusan pertumbuhan adalah paling kecil iaitu sekitar 1.1 peratus sahaja. Pada tahun 1991 jumlah masyarakat Cina adalah seramai 5.02 juta. Jumlah itu meningkat sedikit menjadi 5.29 juta pada tahun 1995. Kemudian jumlah tersebut akan meningkat menjadi 5.60 pada tahun 2000 kelak.

Masyarakat India pula menunjukkan peningkatan yang lebih baik berbanding Cina. Misalnya pada tahun 1991, masyarakat India adalah seramai 1.41 juta orang. Kemudian jumlah tersebut meningkat menjadi 1.50 juta pada tahun 1995. Angka tersebut dijangka meningkat menjadi 1.61 juta pada tahun 2000 kelak.

Lain-lain kaum seperti Sikh, Serani dan Eropah turut menunjukkan peningkatan yang membangangkan. Peratusan pertumbuhan mereka adalah sekitar 1.8 hingga dua peratus. Pada tahun 1991 jumlah mereka adalah seramai 0.59 juta. Jumlah ini meningkat menjadi 0.64 juta pada tahun 1995. Kemudian angka ini terus meningkat menjadi 0.70 juta pada tahun 2000.

Begitu juga dengan pertumbuhan pedatang asing. Pada Rancangan Malaysia Kelima pertumbuhan pendatang asing adalah sangat tinggi. Peratusan tersebut melebihi 12.3 peratus. Kemudian Peratusan tersebut berkurang menjadi 5.7 peratus sahaja.

Dari segi jumlah pula adalah sebanyak 0.80 juta orang pada tahun 1991. Kemudian jumlah tersebut meningkat menjadi 1.31 juta pada empat tahun berikutnya. Pada tahun 2000 kelak, jumlah tersebut terus meningkat menjadi 1.74 juta.

Tingkat umur merupakan satu tingkat yang penting dalam memastikan jumlah tenaga kerja yang mampu dilahirkan. Oleh itu tingkat umur dalam sesebuah negara membangun seperti Malaysia perlu dikaji dengan lebih terperinci kekosongan peluang kerja yang sedia ada.

Lazimnya tingkat kerja di negara-negara maju mempunyai tenaga kerja yang lebih besar. Ini berbeza dengan negara-negara membangun kerana terdapat

jurang perbeaan antara masyarakat yang produktif dengan tidak produktif. Ini disebabkan kadar kelahiran adalah lebih tinggi berbanding dengan peluang pekerjaan yang sedia ada.

Lazimnya terdapat tiga golongan tingkat umur dalam sesebuah negara. Golongan pertama lebih merujuk kepada golongan kanak-kanak yang berusia 14 tahun ke bawah. Golongan ini tidak menyumbangkan tenaga dalam konteks ekonomi. Ini disebabkan golongan ini terlalu muda untuk melakukan sebarang pekerjaan. Oleh itu golongan ini perlu berada di alam persekolahan.

Golongan kedua ialah golongan dewasa. Golongan ini adalah golongan paling produktif.



Masyarakat Melayu tergolong dalam kumpulan ahli perniagaan

**Populasi Penduduk Mengikut Tahun dan Kaum Dalam Rancangan Malaysia Keenam dan Rancangan Malaysia Ketujuh**

Jenis Kaum	1991	1995	2000	Peratusan	
				RM-6	RM-7
Warganegara	17.75	19.38	21.52	2.2	2.1
Bumiputera	10.75	11.95	13.61	2.7	2.6
Cina	5.02	5.29	5.60	1.3	1.1
India	1.41	1.50	1.61	1.5	1.4
Lain-lain	0.59	0.64	0.70	2.0	1.8
B/Warganegara	0.80	1.31	1.74	12.3	5.7
Jumlah Keseluruhan	18.55	20.69	23.26	2.7	2.3

Sumber : Rancangan Malaysia Ketujuh (1996-2000)

Golongan ini pula diklasifikasi kepada tiga kumpulan. Kumpulan pertama merujuk kepada golongan remaja yang berumur antara 15 hingga 25 tahun. Kumpulan ini masih awal dalam menyumbangkan tenaga kerja. Bahkan lebih ramai di kalangan golongan ini yang masih belajar daripada menyumbangkan tenaga kerja.

Kumpulan kedua paling produktif adalah kumpulan pertengahan antara 26 hingga 45 tahun. Golongan ini mempunyai tahap maksimum dalam menjalankan tugas dan banyak menyumbang tenaga dalam ekonomi negara. Sungguhpun demikian golongan ini tidak mampu untuk menanggung saraan hidup sekiranya jumlah keluarga adalah besar yang terdiri daripada golongan pertama dan kedua.

Sedangkan kumpulan yang ketiga telah berusia berusia

melebihi 45 tahun adalah kumpulan yang telah mengalami kemerosotan dalam tenaga kerja. Pada tahap ini hanya pengalaman yang menjadi faktor penting kumpulan ini dalam arena pekerjaan.

Golongan ketiga dalam tingkat umur sesebuah negara ialah golongan tua. Golongan ini berusia melebih daripada 64 tahun. Walaupun usia pencen sekitar 55 tahun, tetapi pada masa yang sama tenaga yang terdapat dalam individu masih boleh melakukan sebarang kerja. Bahkan ramai individu yang bekerja semula memandangkan pengalaman yang mereka ada.

Pada tahun 1991 jumlah penduduk negara yang berusia 14 tahun ke bawah adalah seramai 6.9 juta. Kemudian kadar peningkatan sebanyak 1.5 peratus dan menjadi 7.74 juta orang. Jumlah tersebut menurun kepada

da 1.1 peratus pada abad ke-21 apabila lebih ramai masyarakat Malaysia cenderung ke arah pemodenan negara sehingga tidak memberi tumpuan kepada kadar kelahiran. Peratusan ini dijangka akan mengalami penurunan yang lebih kecil lagi apabila mencapai negara maju menjelang tahun 2100 kelak.

Tingkat umur antara 15 hingga 64 tahun juga mengalami penurunan peratusnya. Penurunan ini berlaku disebabkan kadar kelahiran yang berkurangan sehingga memaksa golongan produktif ini juga menurun.

Pada tahun 1991 jumlah penduduk yang terkumpul dalam golongan ini adalah sebanyak 10.97 juta orang.

Pada masa itu peratusan peningkatan adalah sebanyak 3.5 peratus dan menjadikan jumlah peratusan sebanyak 12.60 juta. Kemudian pada tahun 2000 jumlah penduduk dalam golongan ini adalah seramai 14.64

juta orang atau peningkatan 3.0 peratus sahaja.

Sungguhpun demikian pertumbuhan bagi golongan yang berumur 65 tahun ke atas menunjukkan angka yang membengangkan. Pada tahun 1991 jumlah golongan ketiga ini adalah seramai 0.68 juta orang. Pertumbuhan penduduk yang telah berumur adalah sebanyak 3.0 peratus. Jumlah ini menjadikan penduduk melebihi 0.76 juta pada tahun 1995. Kemudian angka tersebut meningkat kepada 0.90 juta orang pada tahun 2000. Angka ini adalah meningkat sebanyak 3.4 peratus.

Antara faktor yang menyebabkan kenaikan peratusan bagi golongan ini ialah disebabkan faktor kesihatan. Kerajaan telah memperbanyak jumlah doktor dan klinik bagi merawat golongan ini. Oleh kerana mendapat penjagaan kesihatan yang baik menyebabkan hayat penduduk negara ini dapat ditingkatkan.

### **Tingkat Umur Dalam Rancangan Malaysia Keenam dan Rancangan Malaysia Ketujuh**

Tingkat Umur	1991	1995	2000	Peratusan	
				RM-6	RM-7
0 - 14	6.90	7.33	7.74	1.5	1.1
15 - 64	10.97	12.60	14.64	3.5	3.0
65 ke atas	0.68	0.76	0.90	3.0	3.4

## BAB 4


# KEBUDAYAAN KAUM DI MALAYSIA

Malaysia mempunyai pelbagai kaum yang mempunyai asal-usul yang berlainan. Masyarakat Bumiputera adalah masyarakat pribumi yang berasal dari negara ini atau dari kawasan kepulauan Melayu yang lain.

Masyarakat Cina berasal dari benua China dan masyarakat India berasal dari negara India. Begitu juga dengan masyarakat lain seperti Sikh, Serani dan Eropah yang datang dengan banyaknya sewaktu Tanah Melayu (sebelum merdeka) menjadi

kawasan perdagangan yang utama.

Lazimnya masyarakat imigran ini datang ke Tanah Melayu pada abad ke 18 dan 19 apabila kerajaan Inggeris menggalakkan kedatangan imigran ke Tanah Melayu. Selepas Tanah Melayu mencapai kemerdekaan, secara tidak langsung masyarakat Cina dan India mendapat kerakyatan negara ini secara Jos Soli. Dengan ini secara tidak langsung hubungan antara kaum di negara ini menjadi bertambah erat apabila



*Malaysia merupakan negara yang aman makmur*

terdapat persefahaman yang jitu di antara kaum.

Terdapat perbezaan yang ketara antara satu masyarakat dengan masyarakat yang lain. Perbezaan tersebut boleh diklasifikasi kepada lima yang utama iaitu:-

- i. Kepercayaan
- ii. Perayaan
- iii. Pakaian
- iv. Tarian
- v. Makanan dan kuih-muih

### I. Kepercayaan

Oleh kerana Malaysia terdiri daripada pelbagai kaum, terdapat pelbagai kepercayaan yang mereka anuti. Masyarakat Melayu menganut agama Islam. Masyarakat Cina beragama Buddha dan India pula berkepercayaan Hindu. Bagi masyarakat Bumiputera yang lain menganut agama seperti Kristian atau agama yang berkaitan dengan semangat. Ada juga yang tidak mempercayai sebarang agama.

Masyarakat Melayu telah menganut agama Islam apabila ramai mubaligh Islam datang ke Tanah Melayu untuk berdagang. Pada masa yang sama masyarakat Melayu memeluk agama Islam. Agama Islam mempunyai lima rukun Islam dan enam rukun Iman. Islam juga menggalurkan semua yang beragama Islam adalah bersaudara. Oleh

sebab Islam bukan agama yang memilih warna atau keturunan menyebabkan agama ini juga dianuti masyarakat lain seperti Cina, India dan sebagainya.

Masyarakat Cina menganut agama Buddha. Agama tersebut adalah agama yang diwariskan oleh nenek moyang mereka di negara China. Apabila sampai ke Tanah Melayu, mereka masih lagi mengamalkan kepercayaan tersebut. Yang lebih menggagak kedapatan masyarakat Baba yang masih mengamalkan kebudayaan Cina walaupun telah menetap di negara ini sejak kurun ke-14 lagi. Selain itu terdapat di kalangan masyarakat Cina yang menganut agama Islam dan Kristian.

Masyarakat India pula menganut agama Hindu. Agama ini telah diamalkan oleh mereka dari negara India. Kemudian agama ini terus dianuti, walaupun masyarakat tersebut telah menetap dan menjadi sebahagian rakyat Malaysia. Selain menganut agama Hindu, kedapatan juga di kalangan mereka yang menganut agama Islam dan Kristian. Bahkan segelintir daripada mereka yang berketurunan Islam. Mereka ini dikenali sebagai golongan India muslim.

Bagi masyarakat lain terutama golongan Bumiputera mempunyai pelbagai bentuk kepercayaan. Bagi masyarakat Kadazan sebahagian besarnya menga-

nut agama Kristian. Masyarakat Iban pula menganut agama yang mempercayai roh. Terdapat di kalangan mereka yang tidak mempunyai agama. Oleh sebab itu mereka bebas melakukan apa sahaja kepercayaan.

Justeru boleh dikatakan kepercayaan masyarakat di negara ini adalah pelbagai. Ini disebabkan asal-usul kaum yang berbeza. Sungguhpun demikian mereka masih mempunyai semangat persaudaraan kerana semua agama mementingkan kesejahteraan tanpa mengira agama yang mereka anuti.

## ii. Perayaan

Oleh kerana setiap lapisan masyarakat mempunyai agama yang berlainan, menyebabkan pelbagai perayaan yang dirayakan. Bagi masyarakat Melayu khususnya dan Islam amnya akan merayakan Hari Raya Aidilfitri di bulan Syawal. Perayaan kedua pula ialah Hari Raya Aidiladha yang dirayakan pada 10 Zulhijjah. Hari Raya adalah perayaan yang paling besar di negara ini kerana hampir semua kaum turut meraikannya.

Bagi masyarakat Cina, Tahun Baru Cina adalah perayaan yang paling besar di sambut di seluruh negara. Perayaan ini adalah sebagai titik bermulanya tahun baru. Selain itu masya-

kat ini juga meraikan hari Wesak dan sebagainya.

Deepavalli dan Thaipusam adalah dua perayaan yang disambut bagi pengikut agama Hindu. Perayaan ini juga mempunyai makna tertentu seperti hari kebebasan atau cahaya. Pada masa ini hari Deepavalli turut diraikan masyarakat lain juga.

Penganut agama Kristian yang banyak dianuti masyarakat Kadazan, Serani, Cina dan India merayakan Hari Natal. Hari ini disambut pada 25 Disember pada setiap tahun.

## iii. Pakaian

Setiap kaum mempunyai pakaian tradisional yang menjadi lambang identiti masyarakat itu sendiri. Bagi masyarakat Melayu baju kurung dan baju Melayu adalah antara baju tradisional milik kaum ini selain baju kebaya dan kain batik. Lazimnya pakaian ini masih lagi dipakai oleh masyarakat ini dalam setiap hari.

Bagi masyarakat Cina, koon dan cheong sam adalah dua pakaian untuk lelaki dan perempuan. Sungguhpun pakaian ini jarang dipakai oleh mereka, tetapi masih menjadi pakaian utama di hari perayaan.

Sari dan dhoti pula milik masyarakat India. Pakaian ini

sering dipakai tidak kira sama ada pada hari perayaan atau sebaliknya. Sari lebih menarik kerana mempunyai kepelbagaiannya warna.

Bagi masyarakat Iban, Kadazan, Bidayuh atau Melanau turut mempunyai pakaian tradisional. Lazimnya pakaian ini diperbuat daripada manik atau kain yang ditenun indah. Pakaian ini kerap dipakai pada hari perayaan selain digunakan untuk hari biasa.

#### iv. Tarian

Di Malaysia terdapat pelbagai jenis tarian yang ditarikan oleh setiap kaum. Tarian ini bukan sahaja berbeza tetapi unik kerana mempunyai langkah yang berbeza. Bagi masyarakat Melayu tarian Inang dan Zapin adalah tarian yang paling diminati. Tarian ini bukan sahaja mudah tetapi sesuai ditarikan dalam pelbagai jenis majlis. Tarian ini mempunyai langkah yang lemah lembut.

Selain itu terdapat lebih banyak lagi tarian umpamanya Kuda Kepang, Tarian Lilin, Mak Yong, Cak Lempung atau Boria. Tarian ini dibawa dari negara luar dan ditarikan oleh masyarakat Melayu. Ekoran itu tarian ini telah menjadi milik masyarakat Melayu secara keseluruhannya.

Selain masyarakat Melayu,

masyarakat Cina juga mempunyai tarian mereka tersendiri. Tarian Naga dan Singa adalah antara tarian yang paling menarik sekali. Tarian ini menggunakan model binatang naga dan singa sambil memperagakan kehebatan si penari. Tarian ini bukan sahaja ditarikan di majlis-majlis keramaian tetapi juga pada hari raya. Selain itu terdapat juga tarian lain seperti tarian Tahun Baru Cina, tarian Teratai dan sebagainya.

Masyarakat India adalah masyarakat yang turut mempunyai tarian yang sungguh unik. Lazimnya tarian ini mempunyai langkah yang bermakna dan memerlukan latihan yang kerap. Antara tarian yang memerlukan kecekapan apabila ditarikan ialah tarian Klasik India dan Ghiddha. Tarian Bhangra pula ditarikan oleh masyarakat berketurunan Sikh.

Selain itu terdapat juga beberapa tarian lain yang ditarikan oleh masyarakat Kadazan dan Iban. Tarian mereka lebih mirip kepada burung Kenyalang yang menjadi keagungan mereka. Tarian tersebut memerlukan kelembutan dan kerap ditarikan pada hari keramaian.

#### v. Makanan dan Kuih-muih

Memandangkan Malaysia terdiri daripada tiga kaum yang utama



*Pelbagai jenis juadah boleh dinikmati*

jelas perbezaan cita rasa dalam penyediaan makanan. Sungguhpun terdapat perbezaan dalam menyediakan pemakanan, namun rakyat Malaysia berbangga kerana negara ini mempunyai variasi yang cukup berbeza. Oleh itu setiap rakyat mampu merasai makanan yang berlainan di satu kawasan sahaja.

Terdapat pelbagai jenis makanan masyarakat Melayu. Antara makanan yang paling diminati ialah nasi lemak. Selain itu terdapat juga pelbagai jenis masakan lain yang turut diminati. Antaranya lemang, ketupat, rendang, sate dan sebagainya.

Masakan Cina pula lebih merujuk kepada makanan yang lebih ringkas dan berasaskan air. Antaranya mee rebus, sup dan sebagainya. Masyarakat India pula lebih kepada makanan yang berempah. Antaranya kari daging, kari dal dan sebagainya. Selain itu tose, capati adalah antara makanan yang turut diminati oleh golongan yang lain.

Masyarakat Melayu mempunyai jenis kuih-muih yang lazat. Antara kuih-muih tradisional yang menjadi kegemaran adalah dodol, wajik, bahulu dan sebagainya. Kuih-muih masyarakat Cina ialah kuih baku dan kuih bulan, sedangkan masyarakat India pula popular dengan kuih muruku, wadeh dan sebagainya.

## BAB 5

# CARA MENINGKATKAN PERSEFAHAMAN KAUM

Sebagai negara yang unik dengan pelbagai kaum, persefahaman adalah penting. Ini untuk memastikan rakyat Malaysia dapat hidup dengan lebih harmonis.

Antara langkah yang perlu diambil bagi memastikan setiap kaum dapat hidup dengan lebih harmoni adalah seperti berikut:-

- i. Satukan bahasa
- ii. Sistem pembelajaran
- iii. Meningkatkan ekonomi
- iv. Pengagihan petempatan
- v. Tidak mengamalkan perancangan keluarga
- vi. Rukunegara

### I. Satukan Bahasa

Sebagai negara yang mempunyai pelbagai kaum dan keturunan, masalah yang paling diambil perhatian kerajaan ialah dengan menyeragamkan bahasa. Memandangkan penduduk majoriti di Malaysia terdiri dari masyarakat Melayu, adalah menjadi hasrat kerajaan untuk memastikan bahasa Melayu diterima semua kaum di negara ini.

Bahasa Melayu merupakan bahasa yang paling mudah dipe-

lajari. Semua kaum boleh bertutur dengan bahasa tersebut untuk berinteraksi antara satu sama lain. Masyarakat Melayu boleh bertutur dengan masyarakat Cina. Masyarakat Cina pula bertutur dengan masyarakat India dan sebaliknya. Dengan ini secara tidak langsung hubungan mereka semakin bertambah erat lagi.

Bahasa Melayu bukan sahaja digunakan di sekolah tetapi juga untuk tugas sehari-hari. Oleh itu semua pengurusan sehari-hari dapat dijalankan dengan baik memandangkan semua kaum telah menjadikan bahasa Melayu sebagai bahasa kebangsaan.

### II. Sistem Pembelajaran

Menyedari negara kita mempunyai pelbagai kaum, kerajaan telah mengambil langkah yang lebih wajar dengan menyeragamkan sistem pembelajaran. Di negara ini terdapat pelbagai jenis sekolah rendah iaitu sekolah rendah kebangsaan, sekolah rendah jenis kebangsaan Cina dan Tamil. Sungguhpun terdapat beberapa jenis sekolah tetapi

dari segi pendidikan adalah sama.

Sekolah menengah pula mempunyai sistem yang lebih efisen. Sekolah tersebut diseragamkan dengan mengutamakan bahasa Melayu sebagai bahasa kebangsaan. Tujuan dibuat penyeragaman ini adalah untuk memastikan semua masyarakat Melayu dapat berinteraksi dengan masyarakat lain dengan mudah.

Penyeragaman ini secara tidak langsung pelbagai masyarakat boleh menyelami kebudayaan. Ini sebagai langkah permulaan untuk mereka hidup bermasyarakat apabila dewasa kelak.

### III. Meningkatkan Ekonomi

Sewaktu Malaysia mencapai kemerdekaan, bezantara ekonomi antara satu kaum dengan kaum yang lain amat berbeza. Masyarakat Melayu lebih cenderung kepada sektor pertanian seperti menanam padi dan menangkap ikan. Masyarakat Cina pula sebagai peniaga dan pelombong, sedangkan masyarakat India pula lebih kepada peladang.

Keadaan ini telah memberi jurang ekonomi yang cukup luas. Mereka sering diperkenalkan melalui pekerjaan mereka. Misal-

nya masyarakat Melayu dikenali sebagai kaum petani, Cina sebagai peniaga dan India sebagai peladang. Bahkan yang lebih buruk lagi kebanyakan masyarakat luar menganggap Melayu adalah kaum yang miskin, Cina kaum yang kaya dan India sebagai kaum buruh yang murah. Keadaan sudah pasti memberi kesan negatif.

Menyedari hal ini kerajaan telah cuba mempelbagaikan ekonomi secara menyeluruh. Bagi masyarakat Melayu dan India, kerajaan telah memberi kelonggaran untuk mereka memulakan perniagaan. Begitu juga dengan masyarakat Cina yang boleh membuka kebun untuk bercucuk tanam.

Selain itu juga kerajaan telah menggalakkan usahasama dalam bidang perniagaan. Usahawan Cina perlu berganding bahu dengan usahawan Melayu sekiranya ingin membuka perniagaan. Begitu juga dengan usahawan Melayu yang ingin berjaya turut disertai dengan usahawan India. Segala tanggapan negatif terhadap sesuatu kaum dapat dielakkan.

Pada masa yang sama ekonomi negara juga semakin mantap memandangkang semua kaum berganding bahu bagi merasakan Malaysia sebagai negara membangun paling produktif dari segi ekonomi.

#### **iv. Pengagihan Petempatan**

Sebelum Malaysia mencapai kemerdekaan, penduduk bandar lebih didominasi masyarakat Cina. Masyarakat desa pula terdiri daripada orang-orang Melayu dan India pula mendiami kawasan-kawasan ladang. Petempatan yang tidak seimbang ini disebabkan faktor ekonomi. Misalnya masyarakat Cina lebih menjurus ke bidang perniagaan. Masyarakat Melayu sebagai petani dan India menjadi buruh ladang.

Selepas mencapai kemerdekaan pada 31 Ogos 1957, kedudukan masyarakat masih tidak berubah. Masyarakat Melayu masih kekal di desa dan sebaliknya. Keadaan ini mengakibatkan berlakunya tragedi 13 Mei 1969 yang meragut banyak nyawa.

Menyedari hal ini kerajaan telah mengambil langkah wajar dengan mengagihkan kawasan petempatan secara seimbang. Masyarakat Melayu digalakkan berhijrah ke bandar. Begitu juga dengan masyarakat India. Ini adalah memastikan supaya kawasan bandar tidak hanya didiami masyarakat Cina sahaja. Dari sinilah bermulanya titik tolak perpaduan.

Tidak cukup sekadar menggalakkan penghijrahan sahaja, tetapi yang lebih membanggakan kerajaan telah mendirikan lebih banyak taman-taman per-

mahan. Taman perumahan tersebut menempatkan pelbagai kaum seperti Melayu, Cina atau India. Dengan ini keadaan menjadi lebih harmoni dan perselisihan faham tidak mungkin berlaku.

#### **v. Tidak Mengamalkan Perancang Keluarga**

Sebagai negara membangun yang menuju ke era kemajuan menjelang abad ke-21, terdapat pelbagai cabaran yang terpaksa dihadapi oleh masyarakat Malaysia. Antara cabaran yang terpaksa dilalui oleh mereka ialah mengenai kewangan.

Keinginan untuk memiliki rumah mewah, kenderaan dan pelbagai aset lain menjadi perangsang untuk mereka bekerja dengan lebih giat lagi. Pada masa yang sama mereka juga akan mengamalkan perancang untuk mengurangkan jumlah anak. Oleh itu boleh dikatakan kebanyakan masyarakat di negara ini terutama yang tinggal di kawasan bandar mempunyai jumlah anak yang kurang daripada empat orang. Ini disebabkan anak yang ramai akan menjadi bebanan kepada mereka.

Sikap sebegini seharusnya perlu dikhidis dari kacamata masyarakat di negara kita. Ini memandangkan Malaysia masih mempunyai penduduk yang kurang jika dibandingkan nega-

ra Asean yang lain seperti Indonesia, Thailand dan Filipina yang mempunyai penduduk lebih daripada 50 juta. Indonesia sendiri mempunyai penduduk teramai iaitu 217 juta orang. Jumlah ini terlalu besar jika dibandingkan dengan Malaysia yang kini hanya mempunyai penduduk sekitar 20 juta orang sahaja.


Oleh itu seharusnya rakyat Malaysia menggalakkan kelahiran anak. Pada tahun 1970-an dan 1980-an, Malaysia menggalakkan setiap keluarga perlu mempunyai anak sekurang-kurangnya lima orang bagi menggalakkan pertumbuhan penduduk.

Cara ini dianggap berkesan

apabila kadar pertumbuhan penduduk negara kini melebih 2.5 peratus setiap tahun. Jika peratusan ini berterusan, dijangkaikan Dasar Kependudukan 70 juta menjelang tahun 2100 akan tercapai.

#### iv. Rukunegara

Bagi mencapai keharmonian antara kaum dapat diperkuahkan, Malaysia telah menjadikan rukunegara sebagai asas perpaduan. Setiap kaum perlu menghayati rukunegara tersebut supaya perselisihan antara kaum tidak berlaku. Oleh itu adalah wajar untuk mereka memahami apa yang terkandung dalam



Rakyat Malaysia hidup bersatu padu

rukunegara seperti di bawah ini:

Bahawa kami rakyat Malaysia, berikrar akan menumpukan seluruh tenaga dan usaha kami untuk mencapai cita-cita tersebut berdasarkan di atas prinsip-prinsip berikut:-

- a. Kepercayaan kepada tuhan
- b. Kesetiaan kepada raja dan negara
- c. Keluhuran perlembagaan
- d. Kedaulatan undang-undang
- e. Kesopanan dan Kesusilaan

#### **a. Kepercayaan Kepada Tuhan**

Kepercayaan kepada tuhan merupakan kepercayaan yang perlu ada pada setiap masyarakat. Kepercayaan ini menjadi landasan untuk membina hidup yang lebih baik dan harmoni.

Sememangnya setiap kaum mempunyai kepercayaan sendiri. Masyarakat Melayu mengagumi agama Islam. Masyarakat Cina pula mengamalkan agama Buddha dan India pula agama Hindu. Tidak kira agama apa yang mereka anuti, tetapi yang paling penting setiap agama menyuruh umatnya menjalani hidup yang lebih baik dan harmoni antara satu sama lain tanpa mengira kaum.

#### **b. Kesetiaan Kepada Raja dan Negara**

Kesetiaan kepada raja dan negara adalah prinsip kedua dalam rukunegara. Prinsip ini menegaskan raja diibaratkan sebagai payung dalam negara. Raja bertindak sebagai pelindung. Oleh itu sudah menjadi kewajiban rakyat untuk taat setia kepada raja. Bahkan raja juga sebagai lambang penyatuan rakyat Malaysia.

Kesetiaan kepada negara pula lebih menitikberatkan kecintaan rakyat terhadap Malaysia. Semua rakyat perlu bangga menjadi rakyat Malaysia yang hidup aman damai tanpa berlaku pergolakan. Oleh itu adalah menjadi tanggungjawab setiap rakyat memastikan keadaan ini berkekalan dengan menjadi rakyat yang berdisiplin dan cintakan negara.

#### **c. Keluhuran Perlembagaan**

Keluhuran perlembagaan menyatakan setiap masyarakat terikat dengan perlembagaan kerajaan. Kerajaan menegaskan semua perlembagaan yang dibuat perlu adil dan saksama. Perlembagaan ini mencakupi pelbagai aspek sama ada yang berkaitan dengan pendidikan, ekonomi, sosial, politik dan sebagainya. Dengan ini setiap kaum di nega-

ra ini dapat hidup dengan lebih harmoni dan terjamin.

#### d. Kedaulatan Undang-undang

Kedaulatan undang-undang lebih merujuk kepada sikap individu itu sendiri. Setiap individu perlu mengikut garis panduan atau undang-undang yang ditentukan oleh negara. Undang-undang yang dilakarkan adalah untuk kebaikan individu tersebut.

Terdapat pelbagai jenis undang-undang yang terdapat di negara ini. Antaranya yang berkaitan dengan perlombagaan negara, jenayah dan sebagainya. Hukuman yang berat akan dikenakan kepada mereka yang melanggar undang-undang. De-

ngan mengikut undang-undang yang sedia ada adalah diyakini negara akan aman dan makmur.

#### e. Kesopanan dan Kesusilaan

Kesopanan dan kesusilaan lebih menekankan kepada aspek keharmonian antara kaum. Oleh itu setiap kaum perlu menghormati kaum lain sama ada dari segi kepercayaan dan adat istiadat mereka. Justeru setiap kaum juga boleh menyelami adat istiadat masyarakat lain.

Pada masa yang sama juga kesopanan berpakaian juga dititikberatkan. Seseorang itu tidak boleh menonjolkan pakaian yang mendedah secara keterlaluan. Ini seajar dengan masyarakat timur yang mementingkan adat sopan setiap masa.

## BAB 6

# FAKTOR-FAKTOR PENGGALAK PERTUMBUHAN PENDUDUK

Dasar kependudukan Negara 70 juta menjelang tahun 2100 adalah sebagai langkah untuk mengukuhkan Malaysia sebagai negara yang disegani. Sebagai negara maju menjelang 2020 kelak, jumlah penduduk sekitar 23 juta tidak mencerminkan kekuahan yang berpanjangan. Ini disebabkan banyak rintangan yang terpaksa ditangani oleh Malaysia dengan jumlah penduduk yang kecil.

Oleh itu terdapat pelbagai faktor yang menyebabkan kerajaan menggalakkan dasar tersebut. Antaranya:-

- i. Melahirkan buruh yang ramai dan mahir
- ii. Kestabilan pertahanan negara
- iii. Lahirkan lebih ramai cerdik pandai
- iv. Menggunakan bahan secara optimum
- v. Tingkat ekonomi negara
- vi. Pasaran yang luas

### **i. Melahirkan Tenaga Buruh yang Ramai dan Mahir**

Sebagai negara membangun Malaysia merupakan salah se-

buah negara yang mengalami kadar pertumbuhan penduduk yang tertinggi. Setiap tahun pertambahan penduduk adalah sekitar 2.7 peratus. Jika dihitung daripada peratusan kaum, masyarakat Bumiputera mengalami pertambahan sebanyak 3 peratus, Cina 1.4 dan masyarakat lain adalah 2 peratus. Sungguhpun pertumbuhan ini tidak sekata, tetapi jumlah tersebut masih menunjukkan peningkatan yang wajar.

- Pertambahan yang menggalakkan ini seakan memberi tenaga kerja di lapangan pekerjaan. Misalnya sektor pembuatan yang merupakan sektor yang paling cepat berkembang. Ramai tenaga kerja diperlukan dalam sektor ini bagi merealisasikan Malaysia sebagai negara industri menjelang tahun 2000 dan negara maju menjelang tahun 2020. Oleh yang demikian tenaga kerja yang ramai amat diperlukan.

### **a. Sektor Pembuatan**

Sektor pembuatan telah menunjukkan prestasi yang membang-

gakan sejak pelancaran Rancangan Malaysia Kelima. Pada penghujung Rancangan Malaysia Kelima tersebut, jumlah tenaga kerja yang menceburi bidang perindustrian adalah seramai 1.333 juta orang. Kemudian pertambahan berlaku dalam Rancangan Malaysia Keenam seramai 2.052 juta orang.

Kerajaan menganggarkan pada tahun 2000 kelak, pertambahan tenaga kerja dalam sektor perindustrian terus berlaku menjadi 2.616 juta orang. Kemudian angka ini akan terus melonjak dengan cukup tinggi pada tahun 2100 apabila jumlah penduduk negara mencapai angka 70 juta. Tenaga kerja yang bekerja di sektor tersebut mempunyai kepakaran yang dalam bidang masing-masing.

Pada tahun 1990, jumlah tenaga kerja yang mencapai tahap profesional dalam sektor pembuatan seramai 50 281 orang. Kemudian angka ini meningkat 88 219 orang pada tahun 1995. Bagi kategori juruteknik pula meningkat meningkat dengan cukup baik sekali. Seramai 114 592 orang juruteknik telah dihasilkan dan meningkat menjadi 184 644 orang pada tahun 1995.

Dalam sektor pengendalian mesin dan penghasilan produk, terdapat tiga kategori seperti pekerja mahir, separuh mahir dan pekerja tidak mahir. Pekerja

mahir mencakupi pelbagai kemahiran yang diperolehi daripada pusat-pusat pengajian tinggi, latihan secara intensif atau terperinci dalam pengendalian mesin atau penghasilan produk.

Jumlah tenaga kerja yang benar-benar mahir adalah seramai 351 765 orang pada tahun 1990. Jumlah ini meningkat dengan cukup baik menjadi 533 416 orang pada tahun 1995. Ini disebabkan kerajaan telah mendirikan pelbagai pusat kemahiran seperti Institut Teknologi Mara (ITM), Institut Kemahiran Mara (IKM) dan pelbagai lagi untuk melahirkan pekerja yang mahir khusus dalam bidang perindustrian.

Tenaga separuh mahir boleh dilahirkan daripada pengalaman kerja atau mendapat latihan dalam jangka pendek. Tenaga separuh mahir ini bertindak sebagai pembantu kepada pekerja mahir dalam mengendalikan mesin. Pada tahun 1990 jumlah tenaga separuh mahir adalah seramai 209 698 orang. Kemudian jumlah ini meningkat menjadi 359 030 orang pada tahun 1995.

Tenaga tidak mahir pula hanya sebagai pengendali mesin yang ringkas dan diawasi oleh pekerja mahir atau separuh mahir. Pekerja ini tergolong pekerja yang masih baru bekerja, pekerja am dan sebagainya. Jumlah pekerja tidak mahir adalah ramai

berbanding pekerja mahir dan separuh mahir. Pada tahun 1990 seramai 464 034 orang pekerja tidak mahir bekerja dalam sektor perindustrian. Jumlah ini meningkat seramai 693 441 orang pada tahun 1995.

Adalah dijangkakan jumlah pekerja yang melibatkan diri dalam sektor perindustrian meningkat pada tahun 2000. Ini disebabkan kerajaan telah menggiatkan sektor perindustrian sebagai salah satu sektor yang menyumbang ke arah ekonomi negara.

### b. Sektor Pertanian

Sektor pertanian adalah sektor yang terpenting sejak dahulu lagi. Sektor ini menaikkan negara Malaysia sehingga menjadi negara membangun yang terbaik. Hampir kebanyakan petani, pekebun atau penternak mendapat latihan formal sehingga menjadi mahir dalam bidang yang diceburinya.

Pada tahun 1990, jumlah tenaga kerja yang terlibat dalam bidang ini seramai 1.89 juta orang. Jumlah ini mempunyai kepakaran yang berkaitan aktiviti berkebun, bersawah, berternak, nelayan atau yang melibatkan sektor pertanian. Oleh itu jumlah ini melibatkan 28.3 peratus dari tenaga kerja negara secara keseluruhannya.

Menjelang tahun 1995, jumlah tenaga kerja yang terlibat dalam sektor ini berkurangan menjadi 1.66 juta orang. Kemudian kemerosotan dijangka berlaku pada tahun 2000 sehingga menjadi 1.49 juta orang pekerja sahaja.

Sungguhpun jumlah ini dianggap berkurangan, tetapi tidak bermakna penghasilan pertanian juga berkurangan. Ini disebabkan kerajaan mengambil inisiatif memperkenalkan mutu tanaman atau ternakan yang lebih baik sama ada dari segi kualiti, kematangan dan jumlah hasil. Ini adalah penting untuk mengimbangi kekurangan tenaga kerja.

### ii. Kestabilan Pertahanan Negara

Malaysia merupakan salah sebuah negara membangun yang paling lantang bersuara untuk menegakkan keadilan. Oleh kerana kelantangan bersuara itu menyebabkan banyak negara yang tidak menyukai sikap pemimpin negara ini terutama negara-negara Eropah.

Pada masa yang sama juga Malaysia telah banyak menganggotai pelbagai pertubuhan penting seperti Asean, Komanwel, OIC, PBB dan sebagainya. Tujuan utama adalah untuk melakukan hubungan antara nega-

ra dari segi ekonomi dan pertahanan negara.

Menyedari hal ini Malaysia sering menjadi sasaran negara-negara yang cemburu dengan tahap ekonomi negara. Oleh itu mereka sering melakukan propaganda untuk menjatuhkan Malaysia. Antara propaganda yang telah memburukkan Malaysia ialah mengenai isu pembalakan kayu Tropika yang dikatakan tidak bermutu atau merosakkan alam sekitar, minyak kelapa sawit yang membahayakan kesihatan, mengenai isu penindasan kaum pribumi dan sebagainya.

Sungguhpun terdapat pelbagai propaganda yang dilemparkan oleh negara yang tidak bertanggungjawab, Malaysia tidak seharusnya berpeluk tubuh semata-mata. Oleh itu kerajaan telah memajukan sektor pertahanan negara dengan membekalkan lebih banyak senjata yang canggih, alat pengangkutan seperti kapal terbang, kapal dan sebagainya. Tidak kurang juga kerajaan menyeru kepada rakyat supaya memasuki bidang ketenteraan.

Dengan jumlah penduduk yang ramai dan besar sudah pasti pertahanan menjadi kukuh. Kerajaan boleh mengambil lebih ramai lagi bilangan ketenteraan untuk memastikan negara sentiasa dalam keadaan aman.

Dengan adanya kelengka-

pan ketenteraan yang kuat, sudah pasti mereka dapat mempelajari ilmu pertahanan dengan lebih terperinci sama ada dengan menggunakan senjata atau pengangkutan. Oleh itu askar tambahan seperti askar wataniah atau rela dapat dikurangkan. Ini disebabkan askar wataniah hanya sebagai pengganti apabila berada di dalam darurat. Ketidakcepatan mereka menggunakan senjata sedikit sebanyak boleh mengucar-kacirkan pertahanan negara. Oleh itu setiap yang terlibat perlu mendapat latihan secara intesnsif.

### III. Lahirkan Lebih Ramai Cerdik Pandai

Sebagai negara maju menjelang tahun 2020, Malaysia seharusnya membekalkan lebih ramai teknokrat. Oleh itu persediaan lebih awal perlu dirancang sebelum memasuki era tahun 2100 kelak. Pada masa itu banyak perancangan yang akan dilakukan kerajaan untuk memastikan keselesaan rakyat.

Kini terdapat banyak universiti yang menawarkan lebih banyak subjek yang berkaitan dengan sains dan teknologi. Begitu juga dengan institusi lain yang lebih cenderung mengadakan lebih banyak mata pelajaran yang berkaitan dengan sains. Bahkan kerajaan juga mengga-

lakkan supaya rakyat mengambil mata pelajaran tersebut.

Selain itu kerajaan juga turut memberi tumpuan kepada dunia perniagaan. Telah banyak juga kos yang berkaitan dengan perniagaan yang terdapat di beberapa institusi pengajian tinggi. Ini adalah untuk melahirkan lebih banyak ahli usahawan yang berjaya.

Pada masa yang sama, tidak kurang juga jumlah ahli yang mempunyai kemahiran tersendiri dan mempunyai profesion yang baik. Antara profesion yang boleh mendapat tempat di kalangan masyarakat ialah profesion perguruan, kedoktoran, kehakiman, pengurusan pentadbiran dan sebagainya.

Sememangnya untuk melahirkan masyarakat yang cerdik pandai bukanlah perkara mudah. Namun Malaysia percaya dalam jumlah penduduk seramai 70 juta itu mampu memberikan tenaga kerja yang mahir. Hasrat kerajaan bukan sahaja untuk melahirkan masyarakat dalam kuantiti yang banyak tetapi juga melahirkan masyarakat yang berkualiti.

Sekiranya jumlah penduduk Malaysia lebih ramai daripada ada sekarang, corak pengurusan akan menjadi lebih besar. Dengan ini jumlah cerdik pandai mampu dilahirkan dengan banyak lagi. Oleh itulah kerajaan sentiasa mengambil iktibar un-

tuk mendirikan lebih banyak pusat pengajian tinggi supaya masyarakat yang dilahirkan kelak mempunyai kualiti dan potensi lagi.

#### iv. Tingkat Ekonomi Negara

Malaysia bakal menjadi negara maju menjelang tahun 2020. Sejajar dengan pertumbuhan penduduk sedikit sebanyak telah menjadi faktor kepada pertumbuhan ekonomi yang baik. Dengan pertumbuhan penduduk ini dijangka mampu melahirkan pelbagai kemahiran dalam ekonomi.

Secara umumnya terdapat sepuluh jenis sektor yang menyumbang ke arah ekonomi negara iaitu pertanian dan perhutanan, perlombongan dan kuari, pembuatan, elektrik, gas dan air, pengangkutan, penyimpanan dan perhubungan, perniagaan borong dan runcit, hotel dan restoran, kewangan, insurans, hartanah dan perkhidmatan perniagaan, perkhidmatan kerajaan dan perkhidmatan-perkhidmatan lain. Semua sektor ini memberi keuntungan yang begitu lumayan kepada negara.

Namun begitu semua ini tidak akan tercapai sekiranya Malaysia tidak bertindak tegas untuk mencapai tingkat ekonomi yang lebih baik. Seme-



*Pelbagai industri wujud di negara ini*

mangnya ekonomi negara lebih banyak bergantung kepada tenaga dari luar. Ini bermakna kepakaran dalam teknologi, tenaga kerja dan sebagainya lebih menjurus kepada tenaga luar. Ini sudah pasti menurunkan pendapatan negara apabila banyak pengaliran wang ke luar negara.

Justeru itu jumlah rakyat adalah penting untuk memastikan bahawa tenaga kerja yang mahir dilahirkan dengan banyak. Dengan ini dijangka pengaliran wang keluar negara tidak akan berlaku. Hasilnya segala keuntungan akan dapat dikenai bersama.

Dari segi pelaburan juga negara masih terlalu bergantung kepada pelabur asing. Walaupun

terdapat pelabur tempatan, tetapi jumlah mereka terlalu kecil. Oleh kerana itu kerajaan perlu meningkatkan bilangan dan jumlah pelaburan tempatan. Antara langkah yang dianggap berkesan ialah melalui pertambahan penduduk.

Pertambahan penduduk juga dijangka mampu melahirkan lebih ramai para pelabur kerana lazimnya pelabur tersebut mempunyai peluang yang lebih cerah dan mudah mendapat pinjaman. Dengan ini secara tidak langsung pelaburan tempatan dapat ditingkatkan.

Pada masa yang sama juga penggunaan lebih banyak bahan turut memberi kesan kepada ekonomi negara. Malaysia meru-

pakan salah sebuah negara yang kaya dengan bahan mentah. Amat jarang sekali Malaysia mengimport bahan-bahan mentah dari negara luar.

Oleh itu dengan adanya kelekapan tenaga kerja dalam sistem teknologi yang lebih canggih, sudah pasti terdapat banyak idea untuk mengoptimalkan bahan mentah tersebut. Misalnya pokok kelapa sawit yang boleh dipelbagaiakan kegunaannya dari pucuk sehingga ke akarnya. Dengan ini sekali lagi ekonomi negara dapat ditingkatkan dan tidak ada pembaziran berlaku.

### v. Pasaran yang Luas

Seharusnya kerajaan tidak perlu bergantung kepada pasaran luar negara semata-mata. Ini disebabkan pasaran luar negara mendapat saingan yang cukup hebat. Barang negara luar bukan sahaja disaingi oleh negara pengeluar yang sama tetapi juga daripada barang tiruan.

Pada tahun 1970-an, pasaran getah negara amat baik. Namun menjelang dekad 1980-an, pasaran tersebut semakin tergugat apabila terdapat negara-negara pengeluar lain yang cuba menyaiangi getah negara. Antaranya Indonesia dan Thailand.

Tidak kurang daripada itu terdapat juga negara-negara

barat yang menghasilkan getah tiruan daripada getah-getah yang tiak terpakai atau petrolium. Ini menjadikan harga getah negara kita menurun dengan drastik. Di sini jelas menunjukkan bahawa pergantungan barang ke pasaran luar tidak menjamin keutuhan ekonomi yang mampan.

Bagi mengurangkan pengeksportan barang-barang ke negara luar, pasaran perlu lebih dijuruskan kepada pasaran tempatan yang lebih terjamin. Namun dalam populasi penduduk yang kecil sekitar 20 juta tidak menjamin keutuhan pasaran. Justeru itu kerajaan mensasarkan Dasar Kependudukan 70 juta menjelang tahun 2100 sebagai landasan untuk memastikan populasi penduduk bertambah. Dengan jumlah bilangan yang banyak ini sedikit sebanyak akan memperluaskan pasaran tempatan.

Menjelang abad ke-21 kelak, taraf kehidupan masyarakat dijangka akan meningkat seperti negara-negara maju yang lain. Oleh itu kemahuan untuk membeli lebih banyak barang kelengkapan adalah baik. Ini memberi satu idea untuk memasarkan barang yang pelbagai bentuk untuk memenuhi kemahuan mereka.

Antara industri yang dijangka mampu memasarkan barang dengan baik ialah industri

pembuatan kereta, elektrik dan elektronik, kimia dan bahan kimia, tekstil, industri pembuatan makanan dan sebagainya.

Dengan ini sasaran penjualan barang tidak hanya dijuruskan kepada negara luar. Ini memandangkan masyarakat dalam negara juga sudah mampu untuk membeli lebih banyak barang keluaran industri memandangkan populasi yang ramai.

#### **iv. Menggunakan Bahan Secara Optimum**

Sememangnya sektor perindustrian yang dijalankan di negara ini berasaskan bahan-bahan mentah yang dihasilkan sendiri dalam negara. Bahan-bahan mentah ini diproses menjadi barang yang mempunyai kualiti yang tinggi.

Kebanyakan bahan-bahan mentah yang diperolehi berasaskan pertanian seperti getah, kelapa sawit, pembalakan, haiwan ternakan dan perikanan. Bahan-bahan mentah yang lain pula adalah petroleum, gas asli, pelbagai jenis logam dan sebagainya. Semua ini akan memudahkan negara untuk mendapatkan bahan mentah dalam mewujudkan pelbagai jenis industri

tanpa mengimport bahan tersebut dari negara luar.

Kepelbagaiannya jenis bahan mentah dan teknologi dapat melahirkan industri yang berbeza. Misalnya industri desa menggabungkan pelbagai jenis bahan mentah yang banyak terdapat di kawasan persekitaran seperti buluh, rotan, daun mengkuang, tanah sungai dan sebagainya. Ini bermakna para pengusaha industri desa tidak memerlukan modal untuk mendapatkan bahan tersebut.

Industri pembuatan perabot pula hanya perlu membeli daripada kayu balak, kayu getah atau kelapa sawit di dalam negara sahaja. Ini bermakna penjimatian yang lebih kerana tidak perlu mengimport dari negara luar.

Begitu juga dengan industri yang berasaskan logam seperti bijih timah atau kenderaan kerana negara kita mampu menge luarkan bahan tersebut dalam kadar yang mencukupi.

Bagi industri yang berasaskan minyak kelapa sawit dan getah pula, bahan-bahan mentah boleh didapati dengan cukup mudah. Oleh itulah industri ini banyak menghasilkan pelbagai jenis keluaran untuk diekspor keluar negara.

## BAB 7

# MASALAH PERTAMBAHAN PENDUDUK

Malaysia merupakan salah sebuah negara yang mempunyai kadar pertumbuhan penduduk yang begitu baik. Hampir setiap tahun peratusan kadar penduduk melebihi 2.5 peratus. Angka ini dianggap besar jika dibandingkan dengan negara-negara maju yang lain.

Jepun, Amerika Syarikat dan Austria antara negara yang paling kurang peratusan penduduknya. Ini disebabkan mereka telah mencapai tahap maksima dalam semua bidang yang berkaitan dengan ekonomi. Oleh itu negara mereka tidak mementingkan pertambahan yang drastik.

Menyedari hal ini kerajaan masih perlu mengkaji masalah yang bakal timbul akibat dari pertambahan penduduk. Antara masalah yang bakal timbul kelak ialah:

- Makanan berkurangan
- Kesesakan
- Pengangguran
- Keselamatan Dalam Negara

### i. Makanan Berkurangan

Pertambahan penduduk memberi kesan yang tidak baik kepada

da negara. Ini disebabkan masalah pertambahan penduduk sering tidak seiring dengan pertumbuhan sektor pemakanan. Oleh itu terdapat beberapa masalah yang akan timbul. Antaranya:-

- Pertumbuhan pertanian yang kecil
- Kekurangan tenaga kerja
- Kekurangan kawasan pertanian
- Pengaliran wang

### a. Pertumbuhan Pertanian yang Kecil

Sebelum sektor perindustrian digiatkan Malaysia merupakan salah sebuah negara pertanian. Hasil ekonomi negara lebih banyak bergantung kepada pertanian seperti tanaman getah, kelapa sawit, kelapa, padi, koko dan sebagainya. Pelbagai jenis tanaman ini masih terus ditanam untuk mempelbagaikan ekonomi negara.

Lazimnya pertumbuhan penduduk tidak seiring dengan pertumbuhan makanan. Jumlah penduduk negara pada tahun 1991 adalah seramai 18.55 juta.

Kemudian pada tahun 1995, pertumbuhan penduduk mengalami peningkatan sebanyak 2.7 peratus dengan menjadikan jumlah sekitar 20.69 juta orang. Jumlah ini terus meningkat pada kadar 2.3 peratus pada tahun 2000 dengan jumlah melebihi 23.26 juta orang. Kemudian angka ini akan berubah menjadi puluhan juta menjelang alaf kedua sejarah dengan kehendak kerajaan yang inginkan penduduk yang lebih ramai.


Dalam populasi yang ramai, sudah pasti memerlukan jumlah makanan yang cukup banyak. Lazimnya pemakanan yang diperlukan datangnya dari sektor pertanian. Ini kerana sektor pertanian mencakupi penanaman tanaman makanan seperti

padi, kelapa sawit, kelapa, koko, sayur-sayuran dan buah-buahan. Selain itu sektor pertanian juga merangkumi aspek peternakan dan perikanan.

### b. Kekurangan Tenaga Kerja

Negara kita lebih didominasikan dengan pertumbuhan sektor perindustrian yang menggalakkan. Sektor pertanian meningkat dengan cukup drastik meninggalkan sektor pertanian yang hanya berkembang secara perlahan dan tidak seimbang dengan sektor perindustrian dan pertumbuhan penduduk.

Tambahan pula ramai tenaga muda yang lebih berminat untuk bekerja di sektor pembuatan



Sektor pertanian perlu diberi penekanan sewajarnya

yang menjanjikan hasil yang lebih lumayan. Sektor pembuatan juga lebih tetap dari segi gaji dan boleh bekerja dengan selesa. Ini berbeza dengan sektor pertanian yang lebih berat, kotor dan tidak menjamin pendapatan yang lumayan. Hanya golongan tua sahaja yang berminat untuk bekerja dalam bidang ini.

Lazimnya tenaga tua tidak begitu produktif. Mereka tidak mampu melakukan kerja berlebihan. Oleh itu pengeluaran adalah kurang. Kesannya telah banyak kawasan pertanian yang ditinggalkan kerana kekurangan tenaga kerja.

### c. Kekurangan Kawasan Pertanian

Selain itu kerajaan juga telah memajukan kawasan yang terbiar. Kawasan yang dahulunya dijadikan kawasan pertanian kini bertukar menjadi kawasan perindustrian. Dengan ini kawasan pertanian semakin berkurangan.

Apabila kawasan pertanian menjadi semakin berkurangan, hasil pengeluaran pertanian seperti padi akan berkurangan. Kesan daripada itu jumlah beras negara menjadi semakin berkurangan. Ini disebabkan ketidakseimbangan pengeluaran padi dengan jumlah penduduk negara. Justeru itu harga beras sen-

tiasa meningkat pada setiap tahun.

### d. Pengaliran Wang

Setiap tahun Malaysia terpaksa mengimport lebih daripada 20 peratus keperluan beras dari negara luar. Hal ini akan terus berlaku sekiranya jumlah penduduk meningkat dengan kadar yang tinggi. Adalah menjadi keimbangan sekiranya negara pengeluar padi tidak dapat menjual beras ke negara kita. Dan kesan inilah yang perlu difikirkan oleh kerajaan.

Selain itu penanaman tanaman makanan seperti sayur-sayuran dan buah-buahan juga sedang digiatkan oleh kerajaan Malaysia. Namun jumlah ini tidak dapat diimbangi dengan jumlah penduduk yang semakin meningkat.

Dalam sektor perikanan pula selain daripada permintaan yang tinggi, ikan juga menjadi berkurangan. Oleh sebab itulah harga ikan sentiasa naik. Begitu juga dengan makanan yang lain.

Oleh sebab itulah Malaysia terpaksa mengimport lebih banyak buah-buahan, sayur-sayuran dan haiwan ternakan. Semua ini untuk menampung keperluan penduduk yang ramai. Adalah menjadi satu masalah besar apabila makanan seperti ini dicemari dengan racun dan

akan mengakibatkan kemudaratian bagi penduduk negara ini.

Selain daripada masalah kekurangan kawasan pertanian, Malaysia juga terpaksa membelanjakan lebih banyak wang untuk membeli lebih banyak makanan. Wang ini akan meningkat sejajar dengan pertumbuhan penduduk yang setiap hari memerlukan makanan. Oleh itu Malaysia terpaksa membeli makanan walapun dengan harga yang tinggi. Dengan ini pengaliran wang akan terus keluar dengan banyaknya.

Selain itu Malaysia juga terpaksa berhadapan dengan pelbagai jenis penyakit akibat dari kekurangan zat makanan yang seimbang. Bagi penduduk yang tidak mempunyai kemampuan, mereka akan mengambil makanan yang murah dan tidak berkualiti. Makanan yang tidak berkualiti akan memudarangkan kesihatan mereka. Bahkan adalah diyakini juga terdapat keskes yang melibatkan kekurangan makanan yang serius. Oleh sebab itu jumlah penduduk yang ramai memberi kesan yang tidak baik dalam segi keperluan pemakanan.

## ii. Kesesakan

Malaysia merupakan salah sebuah negara yang dianggap kecil

saiznya berbanding dengan negara Asean lain seperti Indonesia, Thailand atau Filipina. Namun dari segi saiznya penduduk Malaysia dianggap masih berkurangan berbanding dengan penduduk Indonesia yang sudah mencapai 217 juta, Filipina 64 juta dan Thailand 56 juta.

Seharusnya Dasar Kependudukan perlu dikaji dari segi keselesaan penduduk tersebut. Antara kawasan yang menjadi tumpuan rakyat ialah di kawasan bandar-bandar besar seperti Kuala Lumpur, Ipoh, Johor Bahru, Georgetown, Shah Alam dan Kuching. Adalah diyakini bandar-bandar lain seperti Seremban, Kuantan, Kota Bharu, Alor Setar, Kota Kinabalu, Melaka, Kangar, Kuala Terengganu dan Labuan akan turut menjadi bandar-bandar besar menjelang abad ke-21 kelak. Ini memandangkan Malaysia sedang mencapai taraf negara maju dengan drastik sekali.

Sememangnya telah banyak bukti yang menunjukkan penduduk yang ramai akan memberi pelbagai masalah kepada negara. Antara masalah yang bakal timbul berkaitan dengan masalah sosial ialah:

- Masalah sosial
- Keruntuhan akhlak
- Rumah setinggan
- Penyakit

### a. Masalah Sosial

Masalah sosial merupakan masalah global yang dihadapi semua negara sama ada negara maju atau negara miskin. Boleh dikatakan setiap hari ada saja kes yang melibatkan masalah sosial. Di negara-negara maju masalah sosial seperti pembunuhan telah menjadi satu masalah biasa. Bagi negara-negara yang menghadapi masalah perang saudara juga telah lali dengan kematian.

Malaysia merupakan negara timur yang lebih mementingkan persefahaman antara satu sama lain. Oleh itu kes pembunuhan, ugutan atau sebagainya masih di tahap sederhana. Jarang sekali kes pembunuhan yang kejam dilakukan. Ini disebabkan kerajaan sering memandang serius dengan keadaan ini.

Sememangnya jumlah yang melibatkan jenayah masih boleh terkawal dengan jumlah penduduk yang kecil. Tetapi jumlah ini pasti meningkat selaras dengan peningkatan penduduk. Kes jenayah tidak hanya tertumpu di kawasan bandar sahaja tetapi di kawasan desa juga.

Kini kes jenayah telahpun berlaku. Antara kes jenayah yang semakin hebat diperdebatkan ialah kes penderaan anak dan pembuangan bayi. Setiap hari ada saja kes kanak-kanak yang didera sehingga mengakibatkan kecederaan mental

dan fizikal. Tidak kurang juga yang telah meninggal dunia sebelum diselamatkan. Ini tidak termasuk kes-kes yang tidak dilaporkan. Jadi sekiranya penduduk semakin bertambah adalah tidak mustahil kes seperti ini akan bertambah juga.

### b. Keruntuhan Akhlak

Keruntuhan akhlak merupakan masalah yang telah mula dihadapi negara. Pada masa dahulu masalah keruntuhan akhlak lebih menjurus kepada penagihan dadah sahaja. Kerajaan telah membelanjakan banyak wang untuk mendirikan pusat-pusat serenti untuk memulihkan penagih-penagih supaya kembali normal.

Masalah penagihan dadah ini menjadi musuh nombor satu negara. Sungguhpun kerajaan telah menjalankan pelbagai kempen dan operasi untuk mencegah penagihan dadah dan sehingga mengenakan hukuman gantung kepada pengedar, namun usaha ini masih belum berjaya sepenuhnya. Hampir setiap tahun seramai 100 000 penagih baru yang dilaporkan. Jumlah ini meningkat dengan banyak apabila dikira dengan penagih yang menagih semula.

Sememangnya dari segi bilangan ini telah dianggap tinggi berbanding dengan populasi

penduduk seramai 19 juta. Namun dijangka angka ini akan meningkat dengan lebih banyak lagi apabila jumlah penduduk yang lebih ramai lagi. Sekiranya seramai 100 000 penagih dilaporkan setiap tahun dalam populasi seramai 20 juta, bayangkan apa akan berlaku sekiranya penduduk telah mencapai 70 juta kelak. Adalah dipercayai jumlah ini akan menjadi 350 000 juta dan sudah pasti memberi kesan kepada negara.

Selain itu kesan masalah sosial tidak hanya melibatkan penagihan dadah, tetapi kini masalah baru telah timbul. Masalah yang berkaitan dengan akhlak ini telah menjadi trend kepada anak muda. Istilah 'boh-sia', 'bohjan' dan sebagainya adalah nama gelaran yang diberikan kepada mereka yang melakukan perbuatan sumbang.

Remaja hari ini telah menyimpang dari landasan yang diharapkan-harapkan negara untuk menjadi pemimpin masa hadapan. Mereka telah melakukan perbuatan yang boleh menjatuhkan imej negara. Telah banyak kejadian yang melibatkan remaja melakukan hubungan sejenis. Mereka tidak segan silu melakukan perbuatan tersebut dengan pasangan masing-masing. Bahkan ada juga di kalangan mereka yang telah melahirkan anak akibat dari pada perbuatan sumbang ter-

sebut. Ini merupakan salah satu faktor penyumbang terbesar pembuangan bayi di negara ini.

Selain itu kes-kes yang berkaitan dengan perbuatan sumbang juga turut dilakukan oleh sebilangan masyarakat lain. Telah banyak kes khalwat yang dilakukan oleh masyarakat hari ini. Ini sudah pasti memberi kesan yang tidak baik kepada negara.

Kesjenayah ini tidak melibatkan masalah sosial lain seperti menonton video lucuah, mengugut para pelajar, menjadi samseng, kaki pukul dan sebagainya.

Jumlah ini dianggap masih rendah jika dihitung dari segi jumlah penduduk yang kecil. Adalah dipercayai jumlah ini pasti meningkat apabila jumlah penduduk bertambah ramai. Antara kawasan sasaran masalah ini ialah di komplek-komplek membeli belah, bangunan mencakar langit, taman rekreasi dan sebagainya. Semua ini pasti kedapatan apabila Malaysia menjadi negara maju kelak.

### c. Rumah Setinggan

Menjelang abad ke-21, negara akan menjadi sebuah negara maju. Pada masa itu taraf kehidupan masyarakat Malaysia turut berubah. Masyarakat menuntut untuk mendapatkan kehidupan yang lebih selesa.

Kawasan yang menjadi tumpuan masyarakat pada masa itu ialah di kawasan bandar yang menjanjikan pelbagai pekerjaan, hiburan dan kemewahan yang diperlukan. Adalah dipercayai pada masa tersebut segala urusan mempunyai hubungkait dengan wang. Pada masa yang sama taraf kehidupan masyarakat adalah tinggi.

Sememangnya untuk merealisasikan Malaysia sebagai negara maju adalah lebih mudah daripada terus membasmikan kemiskinan. Masa kini masalah kemiskinan menjadi isu negara. Di bandar-bandar besar seperti di Kuala Lumpur, masalah setinggan telah menjadi semacam kemestian. Hampir di setiap ceruk terdapat rumah setinggan. Ini disebabkan desakan hidup yang tinggi dan pada masa yang sama mereka inginkan keseronongan.

Keadaan inilah yang akan dialami negara menjelang tahun 2000 kelak. Masalah ini tidak akan mudah dapat ditangani selagi taraf kehidupan di bandar terus meningkat.

Lazimnya masyarakat yang kurang berkemampuan akan membina kawasan kediaman di pinggir-pinggir bandar. Antara lain adalah untuk menjimatkan kos perbelanjaan. Mereka lebih mementingkan keseronokan tanpa menghitung kesan penubuhan lebih banyak rumah haram.

Dengan ini secara tidak langsung pertambahan penduduk terutama di kawasan bandar tidak mampu mengikis penubuhan setinggan yang semakin banyak. Ini sejajar dengan pertumbuhan penduduk kelak.

#### d. Penyakit

Pertambahan penduduk yang meningkat bukan sahaja memberi kesan kepada masalah yang berkaitan dengan penyakit sosial tetapi juga mengakibatkan lebih banyak jenis penyakit. Jenis penyakit tersebut boleh digalurkan kepada beberapa sebab sama ada yang berkaitan dengan kesseksakan, kekurangan pengetahuan dan masalah sosial yang lain.

Penyakit kelamin seperti AIDS, siflis dan sebagainya adalah antara penyakit yang berbahaya. Penyakit ini boleh membawa maut. AIDS adalah antara penyakit yang masih belum diubati. Penyakit ini berjangkit akibat melakukan hubungan secara rambang.

Sememangnya penyakit itu akan terus meningkat. Kementerian Kesihatan melaporkan setiap tahun lebih daripada 3000 orang pesakit baru dikenalpasti. Jumlah ini meningkat dengan lebih drastik sekali. Oleh kerana itulah banyak penyakit sosial yang menular pada masyarakat Malaysia. Disebabkan jumlah

penduduk yang semakin meningkat ini bermakna penyakit ini akan terus meningkat.

Kementerian Kesihatan melaporkan bahawa untuk merawat pesakit memerlukan jumlah perbelanjaan yang banyak. Rawatan seorang pesakit menelan belanja RM 25 000 setahun. Jumlah ini semakin meningkat menjadi lebih daripada RM 60 000 apabila menggunakan kaedah rawatan moden. Perbelanjaan ini terlalu besar sekiranya jumlah pesakit meningkat sejajar dengan peningkatan penduduk.

Selain penyakit yang berbahaya, penyakit berjangkit lain seperti malaria, demam denggi dan penyakit lain juga menular dengan mudah. Lazimnya penduduk yang ramai akan membina kediaman yang rapat dan sesak.

Bagi masyarakat yang tidak mempunyai kesedaran untuk menjaga kebersihan akan membuang sisa makanan ke dalam longkang. Longkang yang tidak mengalir akan memudahkan nyamuk merebak atau kuman lain membiak. Kemudian kuman tersebut akan diterbangkan lalat dan hingga ke makanan yang terdedah. Kesan daripada itu ramai pesakit akan menghidap penyakit yang sama. Dari seni menunjukkan jumlah populasi yang banyak, sedikit sebanyak akan memberi kesan yang tidak baik kepada tahap kesihatan.

### III. Penyediaan Prasarana

Bagi melahirkan masyarakat yang berkualiti pada abad ke-21 kelak, seharusnya kerajaan turut mengambil langkah yang lebih wajar bagi memastikan keselesaan masyarakat. Kerajaan telah menyediakan pelbagai jenis kemudahan prasarana untuk rakyatnya.

Antaranya kemudahan prasarana yang dibina oleh kerajaan untuk keselesaan rakyatnya ialah:-

- Rumah kediaman
- Pengangkutan
- Tempat bekerja
- Institusi pengajian
- Tempat rekreasi

#### a. Rumah Kediaman

Di kebanyakan beberapa buah negara yang mempunyai penduduk yang padat seperti Singapura, petempatan menjadi salah satu isu yang utama. Oleh itu kerajaan negara tersebut terpaksa mengambil campur dalam hal yang berkaitan dengan kediaman.

Kawasan yang terhad berbanding penduduk yang ramai menyebabkan kesesakan berlaku. Negara tersebut terpaksa membina lebih banyak rumah pangsa untuk menangani masalah kesesakan.

Seharusnya kerajaan Malaysia mengambil ikhtibar daripada

kesesakan yang negara tersebut. Kerajaan perlu membina lebih banyak kawasan kediaman untuk memenuhi permintaan penduduk. Setiap tahun kerajaan telah memperuntukkan berjuta-juta ringgit untuk membina rumah teres kos rendah, kos sederhana dan kos tinggi. Ini penting supaya masyarakat yang tidak mempunyai tanah mampu memiliki rumah.

Sekiranya kerajaan tidak menyediakan kemudahan perumahan, dipercayai banyak rumah setinggan yang akan didirikan. Jika tidak individu akan mendirikan rumah di kawasan yang lapang. Oleh kerana kawasan tanah di bandar semakin terhad dan mahal, adalah menjadi satu kerugian jika tanah tersebut tidak dikongsi bersama.

Masalah perumahan yang dialami negara masih belum ditahap membimbangkan. Ramai di kalangan masyarakat bandar yang mendiami rumah yang berbentuk lot dengan mempunyai kawasan yang luas. Hal ini akan berkurangan apabila jumlah penduduk meningkat.

Sebaik sahaja Malaysia masuki negara maju, migrasi masyarakat desa akan melonjak dengan banyaknya di bandar. Ini adalah satu fenomena biasa kerana semua rakyat memerlukan keselesaan. Sudah pasti kawasan bandar adalah antara

petempatan yang paling menyeronokan.

Ekoran dari inilah kerajaan perlu mengikut contoh negara Singapura. Kerajaan akan mengambil lebih banyak kawasan untuk mendirikan rumah pangsa. Rumah pangsa bukan sahaja menjimatkan kawasan, tetapi mempunyai harga yang lebih murah.

Pada masa itu keselesaan untuk menjalani hidup sudah pasti berkurangan. Ini memandangkan individu tidak mampu lagi memiliki rumah secara hak kerana rumah pangsa adalah milik individu yang lain juga. Dengan ini boleh dikatakan pertumbuhan penduduk akan memberi kesan yang tidak begitu sihat dalam membina sebuah rumah.

### b. Pengangkutan

Sebagai sebuah negara membangun mempunyai potensi yang cukup baik untuk terus menjadi negara maju menjelang abad ke-21 kelak, kerajaan Malaysia telah menyediakan pelbagai kemudahan untuk semua rakyat.

Kemudahan asas yang lengkap termasuklah jalinan jalan raya yang lengkap di seluruh negara terutama Lebuh Raya Utara Selatan, bekalan air yang mencukupi, bekalan elektrik



Jambatan Pulau Pinang menghubungkan Seberang Prai dengan Tanah Semenanjung

yang mampu menampung tenaga yang diperlukan oleh perindustrian, kemudahan pengangkutan seperti Pelabuhan Kelang dan sebagainya.

Kemudahan prasarana ini sedikit sebanyak telah menyebabkan ramai pelabur dari negara asing datang melabur ke negara ini untuk membuka lebih banyak industri. Ini disebabkan kemudahan yang disediakan kerajaan Malaysia adalah wajar dan ini akan memudahkan segala pengurusan yang berkaitan dengan perniagaan.

Prasarana yang disediakan oleh negara bukan hanya menujursi di kawasan bandar sahaja, tetapi turut disediakan di kawasan luar bandar. Pembukaan

lebih banyak kawasan perindustrian dan bandar-bandar baru ditubuhkan kerajaan. Di kawasan ini segala kemudahan lengkap disediakan sama ada yang berkaitan dengan pengurusan, pengangkutan, kediaman dan sebagainya.

Malaysia merupakan salah sebuah negara yang mempunyai jalinan jalan raya yang terbaik di dunia. Hampir keseluruhan kawasan di negara ini dijalinkan dengan jalan yang berturap. Antara jalan raya yang terpenting ialah Lebuh Utara - Selatan, Lebuh Raya Pantai Timur, Lebuh Raya Lembah Kelang, Jambatan Pulau Pinang dan sebagainya. Ini tidak termasuk jalinan jalan raya negeri-negeri yang lain.

Secara keseluruhannya jalan raya yang berturap di negara ini sudah melebih 50 000 km. Dari jumlah ini jelas menunjukkan sistem jalan raya yang baik sedikit sebanyak memudahkan barang-barang industri diangkut dari kilang ke kawasan lain yang diperlukan. Dengan ini sedikit sebanyak telah menjadi faktor kepada perkembangan sektor perindustrian.

Selain sistem jalan raya yang baik, sistem landasan kereta api yang kemaskini juga amat diperlukan. Ini adalah penting bagi mengangkut barang-barang industri yang berat.

Di Semenanjung Malaysia sahaja sepanjang 1 665 km telah dibina, manakala di Sabah pula sepanjang 155 km. Landasan kereta api ini digunakan untuk mengangkat produk yang lebih berat atau barang yang berdasarkan perlombongan. Jalanan landasan ini menganjur dari Pantai Barat dan Pantai Timur sehingga ke selatan Semenanjung Malaysia.

Sememangnya urusan ekonomi memerlukan banyak masa untuk menguruskan hal-hal yang berkaitan dengan perniagaan. Menyedari hal ini kerajaan telah memperbaiki sistem pengangkutan udara dengan lebih baik lagi. Malaysia mempunyai sembilan buah lapangan terbang yang bertaraf antara bangsa. Pembukaan lapangan terbang

terbesar di negara ini menjelang tahun 1998 di Sepang sebagai langkah menyokong ke arah ini.

Pembinaan sistem pengangkutan udara dijangka dapat mempercepatkan segala urusan pentadbiran. Dengan itu keyakinan para pelabur melabur ke negara ini dapat ditingkatkan.

Pelabuhan merupakan salah satu kemudahan yang perlu dalam urusan penghantaran barang-barang keluaran industri. Ini disebabkan pengangkutan air merupakan pengangkutan yang paling murah berbanding pengangkutan yang lain.

Antara pelabuhan yang memainkan peranan penting dalam mengeksport barang-barang industri ialah Pelabuhan Kelang, Pelabuhan Pulau Pinang dan pelabuhan di Johor. Pelabuhan ini mengendalikan pelbagai jenis barang untuk dipasarkan ke antarabangsa.

Lain-lain kemudahan yang terdapat di negara ini ialah pembekalan api, elektrik, kemudahan komunikasi dan perkhidmatan pos. Ini adalah wajar bagi memastikan segala industri di negara ini terus berkembang dengan pesat.

### c. Tempat Bekerja

Memandangkan jumlah penduduk yang ramai menjelang alaf akan datang, pelbagai jenis pe-

kerjaan boleh dilakukan. Pekerjaan yang dilakukan rakyat ini mencakupi pelbagai jenis mengikut kemahiran masing-masing.

Rakyat Malaysia dijangka mempunyai tahap pendidikan yang tinggi pada masa hadapan. Kebanyakan masyarakat menggunakan pendidikan tinggi untuk melakukan sebarang pekerjaan. Semua pekerjaan menggunakan teknologi untuk memaksimumkan keluaran.

Dalam sektor pertanian, pengenalan pelbagai jenis jentera boleh menambahkan keluaran pertanian. Penyelidikan yang dilakukan juga boleh menghasilkan baka yang baik. Oleh itu pertambahan penduduk perlu diimbangi dengan pengeluaran hasil pertanian supaya keperluan pemakanan tidak bergantung ke negara luar sahaja.

Sektor perindustrian pula berkembang dengan cukup baik. Pada masa ini sektor ini merupakan tunjang kepada kemajuan negara. Pelbagai barang keluaran berdasarkan industri dihasilkan. Pada masa yang sama pengenalan pelbagai jentera canggih dan kemahiran yang diserapkan sedikit demi sedikit untuk meningkatkan lagi keupayaan sektor ini.

Pekerja yang bertaraf profesional juga dijangka bertambah dengan baik. Bidang kedoktoran, guaman dan pendidikan juga terus mendapat perhatian

yang menggalakkan. Oleh itu jumlah pekerja yang bekerja di sektor ini dapat mengimbangi penduduk yang ramai.

Bagi menyedari hal ini kerajaan telah menyediakan pelbagai ruang kerja yang selesa untuk rakyat. Oleh itu pelbagai kemahiran disediakan di peringkat sekolah dan institusi pendidikan. Ini adalah untuk melahirkan masyarakat yang serba bolah.

Pada masa yang sama kerajaan juga menyediakan pelbagai kemudahan dan ruang pejabat untuk pekerja yang berkebolehan dalam sektor yang berkaitan dengan perniagaan dan profesional. Dalam sektor perindustrian pula kerajaan menujuhkan kawasan perindustrian, sedangkan dalam sektor pertanian pelbagai jenis tanaman dan penyelidikan dilakukan dengan jayanya.

#### d. Institusi Pengajian

Bagi melahirkan lebih ramai masyarakat yang berpotensi kerajaan perlu mendirikan lebih banyak pusat pengajian. Pusat pengajian tersebut perlu diselaraskan dari peringkat sekolah rendah sehingga ke pusat pengajian tinggi.

Dari segi pendidikan pula teknologi yang terbaru perlu diperjelaskan dengan lebih berkesan. Mata pelajaran komputer

dan sains berteknologi tinggi perlu didedahkan dari peringkat rendah lagi supaya minat terhadap pelajaran tersebut sentiasa ada dalam diri mereka. Ini adalah langkah terawal untuk melahirkan lebih ramai cerdik pandai.

Sememangnya kos untuk mengadakan peralatan ini lebih tinggi. Dalam mata pelajaran komputer, alat tersebut perlu dibekalkan kepada setiap murid. Begitu juga dengan penggunaan teknologi sains yang lain. Ini sejajar dengan pertumbuhan dan galakan yang memberangsangkan dari para pelajar.

Jika di negara ini terdapat lebih daripada 4000 sekolah rendah, 3000 sekolah menengah dan puluhan pusat pengajian tinggi, sudah pasti perbelanjaan adalah besar. Sungguhpun demikian kerajaan terpaksa juga membelanjakan wang yang banyak. Tambahan pula penduduk yang semakin meningkat.

Pada masa yang sama kerajaan juga terpaksa memberi pinjaman kepada mereka yang tidak mampu. Dengan ini sekali lagi jumlah perbelanjaan untuk sekolah akan terus bertambah. Bayangan sekiranya jumlah sekolah menjadi puluhan ribu menjelang tahun 2100 kelak. Keadaan ini sudah pasti menyukarkan kerajaan terutama apabila masyarakat kualiti yang ingin dilahirkan tidak menepati sasaran.

## e. Taman Rekreasi

Taman rekreasi adalah taman yang mempunyai pelbagai lengkap untuk beriadah. Lazimnya di taman ini terdapat beberapa alat permainan untuk kanak-kanak bermain. Pada masa yang sama juga disediakan kerusi untuk pengunjung berehat.

Taman rekreasi ini penting untuk masyarakat negara ini melepaskan penat selepas bekerja. Taman-taman rekreasi ini mempunyai pengertian yang luas dan tidak hanya mencakupi dari segi pembinaan taman-taman seperti di Tasik Perdana atau Tasik Titiwangsa sahaja, tetapi juga merujuk kepada taman-taman yang dibina di kawasan persekitaran.

Sememangnya tahun 2000 kelak, telah banyak kawasan perumahan didirikan untuk memenuhi keperluan populasi penduduk yang bertambah. Selaras dengan itu kerajaan terpaksa membina lebih banyak kawasan rekreasi. Setiap taman akan dilengkapan dengan pelbagai jenis bunga-bunga, alat permainan, bangku dan sebagainya. Dengan ini kos penyelenggaraan akan meningkat.

Setiap tahun kerajaan cuba mendirikan lebih banyak kawasan perumahan. Hampir semua kawasan perumahan akan dilengkapan dengan taman rekreasi. Oleh itu kos yang sepatut-

nya diperuntukan untuk membina rumah turut diperuntukkan untuk taman rekreasi. Ini meninggikan kos perumahan. Padahal wang yang sebegini banyak boleh digunakan untuk pembinaan rumah yang lebih banyak kuantitinya. Namun inilah yang sering dihadapi kerajaan dan pihak swasta. Oleh sebab itulah harga rumah menjadi lebih mahal ekoran daripada kos melepas yang diperuntukkan kepada taman-taman rekreasi yang terdapat di situ.

#### iv. Pengangguran

Sejak Malaysia menggiatkan sektor perindustrian, peluang

pekerjaan di negara ini menjadi besar. Sektor perindustrian telah membekalkan peluang yang cukup baik untuk rakyat negara ini. Boleh dikatakan setiap rakyat yang mampu bekerja boleh mempunyai peluang untuk mendapatkan kerja yang baik di sektor perindustrian.

Menyedari hal inilah kerajaan sering menggiatkan sektor lain supaya rakyat negara ini mampu memilih kerjaya masing-masing mengikut bidang yang diminati.

Sungguhpun demikian keadaan ini akan mengalami kesulitan apabila sektor perindustrian telah mencapai tahap maksimum. Dijangkakan pada tahun 2100 kelak, sektor ini akan me-



Kawasan rekreasi boleh didapati di semua kawasan pembangunan

ngalami penurunan sama ada dari segi pelabur atau jumlah pelaburan. Sementara peningkatan penduduk terus berlaku sebanyak 2.5 peratus. Dari segi keseimbangan peratusan pertumbuhan perindustrian dan penduduk menjadi berlawanan.

Oleh sebab itulah tidak mustahil peluang pekerjaan dapat diwujudkan lagi. Peluang pekerjaan akan menjadi kecil untuk menampung jumlah pekerja yang mempunyai jumlah lebih daripada 50 juta. Adalah mustahil untuk kerajaan membuka lebih banyak peluang dalam sektor awam, begitu juga dengan sektor swasta. Jadi kesan yang boleh dilihat dari sudut ini ialah kadar pengangguran akan meningkat dengan lebih besar lagi menjelang tahun 2100 kelak.

Selain itu pengangguran turut berlaku disebabkan ketidakmahiran sesuatu golongan dalam pekerjaan yang sedia ada. Misalnya seorang individu mengambil jurusan undang-undang adalah mustahil dia bekerja di sektor perindustrian, sedangkan pekerjaan yang berkaitan dengan undang-undang telah mencukupi. Sekiranya dia ingin membuka firma guaman sendiri terpaksa memakan belanja yang banyak.

Begini juga dengan seseorang yang mempunyai kemahiran dalam mengendalikan kapal terbang. Adalah mustahil

juruterbang tersebut bekerja di sektor yang berkaitan dengan sektor pembuatan. Di sini jelas menunjukkan pengangguran akan berlaku sekiranya semua peluang pekerjaan telah tiada.

Walaupun Malaysia bakal menjadi negara maju menjelang tahun 2100 kelak, tetapi adalah mustahil negara ini mampu melahirkan rakyat yang berjaya. Masih kedapatan golongan yang miskin dan tercicir. Jadi golongan yang tercicir inilah yang akan mewujudkan pengangguran.

Bagi mereka yang tidak mempunyai apa-apa kemahiran atau kurang berpendidik mempunyai peluang yang tipis untuk mendapatkan kerja. Ini disebabkan peluang pekerjaan yang bakal diwujudkan kelak memerlukan kelebihan, kemahiran, pengalaman untuk melayakkan mendapat pekerjaan yang baik. Jadi golongan inilah yang dijangka akan memperbanyakkan kadar pengangguran negara memandangkan ketidakbolehan untuk melakukan sebarang pekerjaan.

#### **iv. Keselamatan Dalam Negara**

Selain menangani masalah luar negara, Malaysia juga turut mempunyai masalah yang timbul di dalam negeri. Masalah-masalah ini boleh diklasifikasi-

kan kepada empat yang utama iaitu:-

- Samseng
- Jenayah kolar putih
- Politik tidak stabil
- Masalah perkauman

### a. Samseng

Masalah samseng, gengster atau kaki pukul telah lama menular ke negara ini. Budaya barat yang dibawa ke negara ini telah menjadi salah satu ancaman kepada masyarakat secara keseluruhan. Masalah samseng bukan sahaja terdapat di bandar-bandar besar tetapi juga di kawasan desa. Cuba bezanya samseng di bandar lebih kepada ala Mafia seperti negara-negara barat yang telah lama maju.

Masalah samseng ini menjadi satu ancaman ke arah keselamatan penduduk. Masa kini masalah samseng sering berlaku terutama di pusat-pusat membeli belah. Kemudian masalah samseng ini terus menular ke jalan raya.

Kaki samseng bukan sahaja mengungut mangsa tetapi juga mencederakan mereka. Ekoran dari inilah banyak kecederaan, kemalangan dan kematian yang telah dilaporkan. Jika kini keadaan telah menunjukkan kadar jenayah tersebut meningkat, apatah lagi apabila negara telah menjadi negara maju yang mela-

hirkan lebih ramai individu yang berjaya. Adalah dipercayai kegiatan samseng akan terus meningkat seperti negara-negara barat.

Selain itu masalah samseng bukan sahaja dilakukan oleh golongan dewasa, tetapi juga golongan remaja yang masih menuntut di sekolah. Hampir setiap tahun kita mendengar masalah buli membuli pelajar sehingga yang membawa kematian. Jika masa kini kes membuli telah berlaku, adalah diyakini kes ini akan terus meningkat. Mungkin ramai pelajar yang akan menjadi mangsa buli rakan-rakan sebaya.

### b. Jenayah Kolar Putih

Selain menghadapi masalah jenayah samseng, kerajaan juga terpaksa berhadapan dengan masalah yang lebih besar iaitu jenayah kolar putih. Walaupun kedua-duanya dikelaskan sebagai kes jenayah namun jenayah yang dilakukan oleh penjenayah kolar putih lebih sukar untuk dikenalpasti. Ini disebabkan kes ini berlaku secara sembunyi-sembunyi.

Kes jenayah kolar putih sering melibatkan pecah amanah. Misalnya di bank yang banyak mengalami kerugian apabila terdapat kakitangan yang menipu hingga berjuta-juta ringgit. Ini akan memberi kesan kepada

bank tersebut. Ini tidak termasuk kes yang melibatkan rasuah yang berlaku setiap hari di semua urusan pentadbiran.

Ada juga kes jenayah kolar putih yang melibatkan rahsia kerajaan. Mereka membocorkan beberapa perkara yang dianggap rahsia kerajaan ke masyarakat umum, khususnya rakyat dari negara luar. Dengan ini keselamatan negara akan negara akan terugat.

Sememangnya masalah jenayah kolar putih ini sukar untuk ditangani. Ini memandangkan jenayah ini dilakukan oleh mereka yang mempunyai latar belakang dan pendidikan yang tinggi. Jadi mereka mampu melepas diri dengan kemahiran yang dimiliki.

Jadi jika masa sekarang keadaan seumpama ini telah berlaku dengan meluas, apatah lagi apabila Malaysia menjadi negara maju yang tentunya melahirkan lebih ramai cerdik pandai. Tambahan pula dengan memperkenalkan alternatif komputer yang mampu menjana segala urusan dengan mudah. Dengan ini secara tidak langsung segala rahsia dan penyelewengan mampu dilakukan dengan mudah sekali.

### c. Politik Tidak Stabil


Dalam negara maju, rakyat bu-

kan sahaja ingin mencari kekayaan yang optimum, tetapi juga untuk mencari pengaruh. Pada masa itu individu akan cuba mempengaruhi masyarakat sekelilingnya dengan kekayaan yang dimiliki. Tujuan utama adalah untuk mendapat tempat di kalangan mereka.

Keadaan ini akan berlaku apabila telah ramai teknokrat cuba menoleh ke dunia politik. Mereka sanggup menggunakan pengaruh wang untuk membeli lebih ramai penyokong. Keadaan ini telah berlaku sekarang dan akan berentetan sehingga menjelang abad ke-21 yang pastinya menjadikan banyak rintangan.

Lazimnya golongan korporat mempunyai pengaruh yang cukup kuat dari segi wang, tetapi tidak berupaya untuk menjadi pentadbir yang berjaya. Golongan politik pula mempunyai kebolehan tetapi tidak mampu mendapat tempat di kaca mata masyarakat kerana ketiadaan wang.

Oleh itu masyarakat tidak dapat memilih keupayaan sebenar pemimpin kerana masing-masing mempunyai kelebihan tersendiri. Seorang ahli politik yang berpengalaman tidak mampu memimpin negara sekiranya tidak diberi kepercayaan oleh rakyat disebabkan tidak mempunyai wang. Pada masa yang sama golongan usahawan atau teknokrat yang berjaya



*Malaysia sentiasa memerlukan iklim politik yang stabil*

mampu mempengaruhi masyarakat walaupun tidak mempunyai semangat kepimpinan yang baik.

Jadi di sini jelas menunjukkan sistem politik negara telah diperkotak-katikkan. Akibat pertembungan inilah bermakna politik negara dijangka tidak stabil. Oleh yang demikian adalah wajar kerajaan menghapuskan politik wang dari sekarang supaya masalah ini tidak berlutan sehingga ke abad ke-21 kelak. Tambahan pula apabila telah ramai ahli politik dan usahawan berjaya dilahirkan pada tahun 2100 kelak, yang tentunya memberi kesan yang lebih mendalam terhadap politik negara.

#### d. Masalah Perkauman

Sebagai negara majmuk yang terdiri daripada berbilang kaum, Malaysia terpaksa menitikberatkan kebajikan masyarakat secara menyeluruh. Kebajikan yang diberikan kepada masyarakat tersebut tidak boleh menyentuh hal-hal yang berkaitan dengan sentimen sesuatu kaum.

Oleh itu kerajaan telah menjadikan bahasa Melayu sebagai bahasa Kebangsaan untuk berinteraksi antara kaum. Pada masa yang sama kerajaan telah membentuk satu parti yang mampu dinaungi oleh kaum. Oleh itu kerajaan telah menubuahkan ISA yang mampu menangani masa-

lah yang berkaitan dengan sentimen perkauman.

Dari segi ekonomi juga kerajaan telah membentuk usahawan yang dinamik dan berkerjasama. Ini sebagai langkah menangani masalah yang akan berbangkit mengenai pengagihan ekonomi negara. Oleh itu setiap kaum perlu menjadikan tragedi 13 Mei 1969 sebagai pengajaran supaya sikap iri hati antara kaum perlu dikikis-kan.

Sungguhpun demikian masih kedapatan beberapa kesan yang tidak baik timbul. Terdapat

beberapa buah parti yang mampu menggugat kestabilan kaum dengan membangkitkan isu-isu yang menjadi sentiviti kaum. Pada tahun 2100 kelak dengan jumlah penduduk yang melebihi 70 juta dan mempunyai lebih ramai cerdik pandai, rasa ketidakpuashatian akan berlaku juga. Ini ditimbulkan oleh kaum yang tidak berpuashati dasar kerajaan. Oleh itu adalah tidak mustahil masalah ini akan terus dihadapi negara walaupun pada umumnya negara di dalam keadaan yang stabil.



*Parlimen mampu menggubal dasar yang berkaitan dengan sentimen perkauman*

## BAB 8

# CARA MENGATASI

Memandangkan populasi negara meningkat menjadi 70 juta menjelang alaf akan datang, pelbagai usaha kerajaan untuk menangani masalah yang akan timbul. Seharusnya Malaysia perlu mengambil contoh negara yang mempunyai penduduk yang ramai dan tidak dapat mengimbangi dengan sumber yang ada.

Selain itu terdapat pelbagai rusuhan yang berlaku sehingga menjelaskan keamanan negara. Terdapat pelbagai cara untuk memastikan Malaysia sentiasa berada dalam keadaan yang stabil. Antaranya:-

- i. Keselamatan dalam negara
- ii. Perkahwinan campur
- iii. Lahirkan masyarakat bertanggungjawab
- iv. Menyediakan kemudahan terancang

### i. Keselamatan dalam Negara

Penduduk yang menjangkau puluhan juta merupakan membentuk negara yang kuat dan mantap sekira mempunyai perancangan yang baik. Negara ini

dapat mewujudkan pelbagai bentuk organisasi yang besar dan memberi keuntungan kepada negara. Namun begitu masalah juga sering timbul apabila populasi penduduk tidak seimbang dengan ekonomi negara tersebut.

Bagi memastikan keadaan terjamin terutama apabila Malaysia mencapai negara maju menjelang tahun 2020, peranan pihak keselamatan adalah untuk menjaga keamanan negara. Pihak polis ini terdiri daripada pelbagai bentuk seperti polis awam yang menjaga ketenteraman awam, polis hutan pula membanteras jenayah di kawasan hutan atau sempadan, polis trafik untuk memastikan kelancaran kenderaan di jalan raya, polis FRU adalah untuk menjaga keselamatan apabila berlakunya rusuhan.

Keselamatan negara juga dijaga melalui peranan yang dimainkan oleh anggota tentera. Anggota tentera bertanggungjawab memelihara keamanan negara di peringkat antarabangsa. Tentera mengawal keamanan negara sama ada di sempadan negara, dalam negara dan

sebagainya. Oleh itu anggota tentera diasah dengan kelasakan apabila menghadapi musuh.

Pasukan tentera boleh diklasifikasi kepada tiga peranan mengikut fungsi masing-masing. Tentera darat adalah untuk menjaga keamanan negara di dalam hutan, sempadan dan dalam negara. Tentera udara pula menjaga keselamatan ruang legar negara dan tentera laut pula sentiasa belayar ke perairan negara setiap masa. Selain itu tentera laut juga mengawal kemasukan pendatang asing atau pencerobohan nelayan asing.

## ii. Perkahwinan Campur

Malaysia merupakan salah sebuah negara yang didiami oleh pelbagai kaum yang mempunyai kepercayaan, kebudayaan dan adat resam yang berbeza. Sungguhpun di negara-negara lian terdapat juga perbilangan kaum ini, tetapi di negara ini sungguh nyata sekali.

Masyarakat Bumiputera sendiri boleh digolongkan kepada dua keturunan yang berbeza. Masyarakat Melayu terdiri daripada orang-orang Melayu, Jawa, Minangkabau, Banjar dan sebagainya. Begitu juga dengan kaum Bumiputera yang lain seperti Kadazan, Iban, Melanau atau Orang Asli.

Masyarakat Cina yang dike-

nali sebagai masyarakat Tiong Hua, juga terdiri daripada beberapa suku yang berbeza seperti Hokkien, Kantonis, Hakka dan sebagainya. Masyarakat India juga boleh dibahagikan kepada beberapa keturunan seperti Maryalam, Telegu, Sikh dan sebagainya. Ini tidak termasuk golongan minoriti seperti bangsa Portugis, Eropah atau Thailand. Semua ini menjadikan Malaysia sebagai negara yang bervariasi dari segi kaum.

Oleh kerana keadaan perbezaan kaum yang ketara ini bermakna terdapat jurang yang besar antara mereka. Sekiranya tidak terdapat persefahaman antara satu sama lain bermakna masalah perkauman akan timbul.

Jadi untuk memastikan keadaan ini tidak berlaku, perkahwinan campur merupakan langkah yang paling baik sekali. Perkahwinan campur sedikit sebanyak akan mengeratkan lagi hubungan kedua-dua keluarga dan keturunan mereka. Oleh itu syak wasangka antara kaum tidak akan berlaku.

Telah banyak kedapatan pasangan suami isteri daripada dua kaum yang berlainan. Misalnya seorang lelaki Melayu mengahwini perempuan Cina. Lelaki Cina mengahwini perempuan India dan sebaliknya. Dengan ini secara tidak langsung hubungan antara mereka menjadi erat kera-

na anak yang lahir adalah anak yang menggabungkan dua budaya yang berbeza. Anak-anak inilah yang mengeratkan hubungan antara dua kaum tersebut.

Di sini jelaslah menunjukkan perkahwinan campur merupakan salah satu faktor yang boleh menangani masalah yang berbangkit dengan perkauman. Dengan ini secara tidak langsung peselisihan antara kaum tidak akan berlaku di negara ini.

### **III. Lahirkan Masyarakat Bertanggungjawab**

Masyarakat Malaysia mempunyai keunikan kerana terdiri daripada pelbagai kaum. Oleh itu setiap kaum perlu tahu per-

nan masing-masing untuk mewujudkan negara yang harmoni.

Sikap tanggungjawab perlu disemaikan dalam jiwa setiap masyarakat. Sikap tanggungjawab ini mencakupi dari segi sahsiah dan rohani. Sikap mencintai negara boleh dijayakan dengan rasa tanggungjawab memelihara negara dari sebarang ancaman. Selain itu keharmonian antara kaum juga perlu untuk memastikan tidak berlaku perselisihan faham.

Kerajaan juga turut menyemaikan rasa tanggungjawab terhadap individu dengan menyediakan pelbagai langkah untuk menyedarkan masyarakat. Oleh itu pelbagai program disediakan seperti Rakan Muda, masyarakat penyayang dan se-



Perasaan muhibbah perlu ada dalam senap kaum



*Pendidikan perlu berteraskan sains dan teknologi*

bagainya. Ini adalah untuk memastikan semua rakyat mempunyai hubungan yang baik.

#### **iv. Menyediakan Kemudahan Terancang**

Sebagai sebuah negara membangun yang mempunyai potensi yang cukup baik untuk terus menjadi negara maju menjelang abad ke-21 kelak, kerajaan Malaysia telah menyediakan pelbagai kemudahan untuk semua rakyat.

Bagi memastikan Malaysia mempunyai penduduk yang seimbang dari pelbagai sudut, seharusnya kerajaan menyedia-

kan kemudahan-kemudahan yang terancang. Kemudahan ini yang disediakan mengikut jenis kemahiran.

Dalam pendidikan kerajaan telah menyediakan sekolah-sekolah bestari yang menekankan penggunaan teknologi moden. Penggunaan komputer dan internet akan dijadikan salah satu mata pelajaran supaya dapat dimanfaatkan dalam pelbagai bidang di masa hadapan.

Dalam bidang pertanian pula kerajaan menyediakan pelbagai penyelidikan supaya menghasilkan tanaman yang bermutu dan cepat matang. Oleh itu penggunaan tanah yang kecil sudah dapat menampung per-

tambahan hasil terutama yang berkaitan dengan pemakanan masyarakat Malaysia.

Kemudahan asas yang lengkap termasuklah jalinan jalan raya yang lengkap di seluruh negara terutama Lebuhraya Utara Selatan, bekalan air yang mencukupi, bekalan elektrik yang mempu menampung tenaga yang diperlukan oleh perindustrian, kemudahan pengangkutan seperti Pelabuhan Kelang dan sebagainya.

Kawasan industri pula ditubuhkan untuk memastikan sektor ini terus menyumbang kepada pemodenan negara. Sektor ini terus memberi keuntungan berganda di masa hadapan apabila telah banyak teknologi canggih yang diperkenalkan. Kemahiran juga boleh diperolehi dari penghantaran pelajar keluar negara, pengimportan tenaga mahir dan sebagainya.

Dari kemudahan lain seperti prasarana adalah baik untuk memberi keselesaan kepada masyarakat. Kemudahan pengangkutan, bekalan elektrik, air dan sebagainya adalah sebagai asas kemajuan. Kemudahan ini juga mampu merangsang kemajuan negara secara menyeluruh.

Kemudahan prasarana ini sedikit sebanyak telah menyebabkan ramai pelabur dari negara asing datang melabur ke negara ini untuk membuka lebih banyak industri. Ini disebabkan

kemudahan yang disediakan kerajaan Malaysia adalah wajar dan ini akan memudahkan segala pengurusan yang berkaitan dengan urusniaga.

Prasarana yang disediakan oleh negara bukan hanya menjurus di kawasan bandar sahaja, tetapi turut disediakan di kawasan luar bandar. Pembukaan lebih banyak kawasan perindustrian dan bandar-bandar baharu ditubuhkan kerajaan. Di kawasan ini segala kemudahan lengkap disediakan sama ada yang berkaitan dengan pengurusan, pengangkutan, kediaman dan sebagainya. Selain sistem jalan raya yang baik, sistem landasan kereta api yang kemas kini juga amat diperlukan. Ini adalah penting bagi mengangkut barang-barang industri yang berat.

Sememangnya urusan ekonomi memerlukan banyak masa untuk menguruskan hal-hal yang berkaitan dengan perniagaan. Menyedari hal ini kerajaan telah memperbaiki sistem pengangkutan udara dengan lebih baik lagi. Malaysia mempunyai sembilan buah lapangan terbang yang bertaraf antarabangsa. Pembukaan lapangan terbang terbesar di negara ini menjelang tahun 1998 di Sepang sebagai langkah menyokong ke arah ini.

Pembinaan sistem pengangkutan udara dijangka dapat mempercepatkan segala urusan

pentadbiran. Dengan itu keyakinan para pelabur melabur ke negara ini dapat ditingkatkan.

Pelabuhan merupakan salah satu kemudahan yang perlu dalam urusan penghantaran barang-barang keluaran industri. Ini disebabkan pengangkutan air merupakan pengangkutan yang paling murah berbanding pengangkutan yang lain.

Antara pelabuhan yang memainkan peranan penting dalam mengeksport barang-barang

industri ialah Pelabuhan Kelang, Pelabuhan Pulau Pinang dan pelabuhan di Johor. Pelabuhan ini mengendalikan pelbagai jenis barang untuk dipasarkan ke antarabangsa.

Lain-lain kemudahan yang terdapat di negara ini ialah pembekalan api, elektrik, kemudahan komunikasi dan perkhidmatan pos. Ini adalah wajar bagi memastikan segala industri di negara ini terus berkembang dengan pesat.

## KESIMPULAN

Dasar kependudukan negara yang diuruskan lebih menggunakan faktor saiz bagi matlamat utama. Kerajaan mensyaratkan bahawa saiz terbaik bagi negara ini ialah 70 juta orang. Jumlah ini hanya selari dicapai dalam tempoh 105 juta tahun lagi. Jika dikaji pertambahan tidak begitu besar jika dibandingkan dengan dengan keupayaan perkembangan masyarakat secara menyeluruh.

Sememangnya perkembangan pertumbuhan negara adalah sekitar 2.7 peratus. Jumlah ini

dianggap besar. Jika pertumbuhan ini berlaku sehingga tahun 2100 adalah dipercayaai jumlah penduduk Malaysia akan melebihi 200 juta orang. Dari segi lain pula bilangan 70 juta dianggap besar kerana tahap kesesuaian negara sekitar 40 juta sahaja.

Dasar perancang keluarga yang dilancarkan pada tahun 1960-an merupakan satu langkah bijak kerana sadar ini menyekat pertumbuhan penduduk. Sekatan ini akan menjadikan rakyat Malaysia sekitar 40 juta iaitu jika dikekalkan secara berterusan.